




登州府志

22.6222  
1232073  
19



Kodak Color Control Patches

增修登州府志卷之六十五



金石 著錄

周□□伯高甌銘

出蓬萊城南八十里  
郝家村今藏張氏

□氏白高父作者煮甌其萬年子二孫二永寶用

右銘十七字不能得其自始唯出於府地遂以著錄亦如選舉寄籍例也其得之他處而為居人葆藏者乃傳舍過客耳不在此列矣 萊陽嘗有得古器於土中者銘文有帝商辛之盤等字今未見拓本故不著錄而附識於此



漢建初石刻

□□□□□□荻道司馬長元石口門

建初六年十月三日戊

右刻文八分書十六字大五寸許上四字泐而第五字亦漫滅濰縣陳學士壽卿氏釋為荻字亦無確證也惟此等石登州所在多有之如海陽招虎山西之石土人亦呼為石劍明文太僕太青氏令萊陽時嘗為賦東極篇亦莫辨其為何許石也今以此刻證之乃知為當日墓表耳

是以君子貴多見而識之也

漢琴亭國銘

蓬萊張氏允勳藏 出府城南四十里郭東余家村

漢廿八將佐命功苗東藩琴亭國李 夫人靈第

出門

右漢琴亭李夫人墓銘據後漢書李忠傳忠東萊黃人字仲都光始中以父任為郎建武二年封中水侯十九年卒子威嗣威卒子純嗣永平九年坐母殺純叔父國除永初七年鄧太后復封純琴亭侯純卒子廣嗣云云此石出於古黃

縣城之西南而云漢廿八將功苗曰琴亭曰李  
其為中水侯家物無疑也同治壬申村人贅古  
井得此石蓬萊張氏購之因摹以傳其文曰靈  
第之門蓋墓門也夫人上空一格或其姓也純  
為亭侯而書曰國且曰功苗皆不見史例或其  
當時典式也亦可以廣舊聞矣

漢博五官堂銘

九日主五官之堂

七字陽文

漢博徐孝子銘

出城南四十里呂家窪

徐孝子

三字陽文

晉夏氏博銘

出城南三十里頂上丁家村

泰故二丰東牟氣夏刃

九字陽文反書

元魏彌勒佛石像記

皇興三年黃縣城隍廟佛堂

唯大魏皇興三年定州中山郡趙珣為亡父母

亡兄造彌勒佛像一區

宜作軀

若在三塗速令解脫

若生人聞王侯子孫捨身處身常與佛會願見世

安隱願願從心使一切衆生普同斯願

凡六十九字

元魏鞠彥雲墓志

黃縣都鄉石羊里鞠彥雲墓志

蓋文 石高八寸廣九寸

維大魏本州秀才奉朝請輔國長史鎮南府記室給事中尙書郎中奉車都尉領郎中魏郡太守寧遠將軍統軍本州司馬中堅將軍鞠彥雲以正光四年正月十六日亡祖璋給事中祖母昌黎韓父延增東萊太守東武侯母濟南解妻武威賈中堅英才金聲含德玉潤妙識朗於髫年貞芳茂於弱冠德貫顏閔文通游夏拂纓朝伍則冬夏恩威背庸邦符則齊魯易化而至德淵宏非得其門焉盡

其美畧題闕好豈寫貞明者哉維大魏正光四年歲次癸卯十一月二日

右石高八寸廣九寸文十四行行十三字蓋高廣同文三行行四字皆正書凡百九十二字其云背庸者蓋分掌之義指本州司馬而言按魏書官氏志載太和中所定官制甯遠將軍五品奉車都尉尙書郎中中堅將軍俱從四品給事中從三品太和二十三年重定官制乃無尙書郎中給事中正光四年上距太和二十三年凡

二十五年豈彥雲膺此二職在太和二十三年已前耶抑景明後又增置此職而史失之耶石羊里今縣地無此名亦可考見古今地名之異

同黃縣志原跋

元魏三駕寺石刻武定二年

武定二年十月壬子朔十三日甲子光州長廣郡挺縣清信社佛弟子路文助兄弟三人爲亡父造像一軀所願亡父直生西方值佛聞法又願居家亦同此福并及一切六十

六十六字

東至東山頂南至苔連嶺西至西山頂北至北山頂

右刻文石高九寸強廣八寸弱凡十二行其第一行題重脩崇福寺碑記七字文上一寸許橫刻三駕寺三字共七十六字而萊陽志云寺有小石佛一尊背題云云無清社及并及一切六字亦無東至以下二十字而有元皇慶二年僧道照明宣德元年僧慶端各重脩十九字則非此石文也今據拓本錄之以存其真

唐駝磯島石刻

□□□□□九年五行□□□□壤道行軍二行□

□□□□大夫荆行□□□□柱國鄭國四行□□

□□□管左銷五行□□□□冰縣六行□□□

□□□等敬行七行□海龍王神拜夫人八行

右刻在蓬萊北海中駝磯島上凡八行行八字

而大半漫泐今二十八字存據唐書貞觀十八

年以張亮為平壤道行軍大總管自東萊海征

高麗云云則此刻第一行泐字宜是大唐貞觀

十五字矣其下列銜宜即亮之官階勳爵與其屬僚也未有敬海龍王神并夫人字蓋因航海致禱之事耳祀神而及其妃風之所由來也久矣

唐廣州都督司馬譚長表額

大唐故廣州都督府司馬譚公塋前之碑字徑二寸橫

排入行只此十六字

唐无染院碑光化四年

大唐登州牟平縣崑崙山无□□□□□□□□

□□詳夫廣大非乾坤莫容其□□□虛□籠罩  
 □空以佛性包羅始自周昭王生迦衛及於周穆  
 入口但戶分玉軸於□□□方得□□浩浩法  
 波洋洋後至梁方來達摩乃禪林聳秀法鼓鏗鉤  
 一花開六代之師五葉破三乘之□□□□□  
 □□□□□聖上皇帝玉龍騰瑞金鳳迎祥握  
 五帝之乾符精明造化登三皇之□□□□□蒼  
 生我相公王千年閒器五百□雄德化青邱恩寬  
 碧落□□州常侍諸葛□杖扶天劍應佛國燈風

清蓮摹之賓月白鵝行之吏縣大夫劉琳瑯重望  
 禮樂成家□牛刃而無別刀製錦花而有異彩□  
 □□□□□治民有法佐靜一州押吏等公納  
 無私恭順五品伏以法主和尚道深九流德峻三  
 峯戒珠冷而寒冰一池心印明而秋蟾五夜伏自  
 穿雲得法止錫巉巖逼水安禪寫志溪澗近則齊  
 魯之台相知仰遠乃吳越之公侯傾崇為人天師  
 救生死苦門人道明等戒節寒松行清霜竹例披  
 雲服競叩真機或參禮於諸方或當院而佐侍其

山乃號崑崙松蘿森邃岩谷幽奇大川激滄海之  
波極頂峭虛危之宿院額无染堂房四匝闢松桂  
張鳳翅以翺翔殿宇一基架梁椽砌龍鱗而偃蹇  
曾經冬夏實光養道之方額請節庭永島高峯之  
勢基是檀越主宋璋地捨拾頃壇及四山信士早  
著善舉夙繼給孤之院今傾崇志預收彌勒之因  
又鷄林金清押衙家別博桑身來青社貲游鄞水  
心向金田捨青鳧搆郢匠之宇鑿白石暨口乾之  
塔殿中功德主解通五十人等竟捨珍財同修真

像信明湘漢志重牟尼繼釋迦之禪音企逸多之  
後果乃邀張壬塑天人師金容開千葉之蓮玉相  
示五雲之瑞僧敲霜月聲來碧峒之中佛禮寒花  
韻發白雲之外四址截定一院裁成並葺大齋廣  
申讚時和風扇柳鶯啼溪上之絲暖日開桃花笑  
峒中之錦莫不迂真徒命仙侶禪清律秀兮雲水  
來羽薄臨輕星月降口是選鑿寒石揀召名工請  
虔述奇刊將永碣用顯後天焉普資法界矣

光化四年歲次辛酉二月癸未朔十八日庚子辰

時書記孔口鐫字

无染院碑光化四年二月十八日庚子書乃雞  
 林金清捨貲修造者碑中云相公王宜是王師  
 範時為平盧帥也清以蕃人入仕中土為押衙  
 蓋亦以貲進耳據史光化止三年而辛酉為天  
 復元年此碑以辛酉為光化四年則天復之紀  
 元宜在二月後或史失之耳碑刊於當時不宜  
 有誤也文不知何人撰已多漫滅書亦不工以  
 其為唐代物故著於錄

宋姑餘大仙并翻修殿碑銘

鄉貢歲士李起撰前正團練押衙于杲書

粵以義皇之代軒轅之朝虞夏立尊殷湯當世口  
 位口口口事口口素口正口口口口口口口口口  
 口像法契斯良因道以怡養神情持口口口清口  
 口尅豈能離彼於逡巡莫將以名為口口口口口  
 秦始臨朝蓋徐福口泛長檝口口口口口口口口  
 口數豈盡稱量爰有奇峯號曰姑岫口口口口口  
 口月貿遷德盛而聲音著遠擇居口口口口口口  
 旋馳星使來訪仙居天人得及於嶺口口其使悒

快緣少遇精勤甚疏焚禮□□先跡實□虧□之  
 誠未□□□弟子觀主王守緣早契德風夙□襲  
 □□歲□□是毀隕既在住持豈能忘本□發情  
 □□□□□入表歸降將相同心盡處竭忠竭  
 力黎民□□□當郡別顯殊勳一方之境界清  
 平四縣之疲□□每於修葺之間常為首領或  
 於助緣之處並輟俸資□仇□□即□□□□  
 □□□□□□□功蓋以采石嵯峨訪材澗  
 壑藥櫃齊設基址俄周梁棟畢陳□□□□□

□□□□□□□□上惹於天香起鎮海隅壯  
 觀膠甸斯也殷辛瓊室何足□□□□□□□  
 □□□□□□□□波之渤澥南瞻百仞之  
 崢嶸人傑地靈山殊谷秀鄉封咸仰□□□□  
 □□□□□□□□難窮於伸吐詠謠莫  
 盡於敷宣今遇宋帝祧位之□□歸於樸素□乃  
 顯元微 難窮旨趣 視之奚如□□□名傳八  
 裔 聲撥四隅 人傑地靈 山奇谷秀 □□  
 □□ □□□□ 志懇深求 召其信士 共

彼翻修 良工告畢 華殿俄周 梯連口口

天長地久今唯音存 暑往寒來今轉光盛口匠

人張口押司錄事徐琳麻姑觀主王守緣小師體

和小師體甯小師體霞口口體玄尙姑體因 體

英 體芳 體口芝口口庄客王貞男璘口孫遇

口男憲 孫福男滿 潘台弟翰 廣弟貴高

謙男鳳于嗣口口口口

本匠都料孫建 木匠于迪 男寶 男 匠廷

翰男

孫嵩魯進王真弟榮李珍王浩潘通

大藏寺尼志恩延進守遷西福口口術道士孫鵬

舉小師道士孫善信開元寺義殊院主僧

庄客潘進庄客王延福口口口口時太平興國四

年歲次己卯十二月四日立

瞳頭孫福男滿白佛寺 杲 羅口院口訪實東

京建隆觀九曜院華蓋先生弟子雲水道士口口

神口

姑餘仙殿碑宋太平興國四年十二月己卯立

乃爲麻姑翻修祠宇作者半已漫滅文不甚可  
讀唯銘尙存數句語亦不工銘之前有今遇宋  
帝祧位之春云其書法亦不見於他文末題  
名有麻姑觀主有小師某某尙姑某某蓋皆女  
冠耳

宋萊州萊陽縣趣果寺新脩大聖殿記

廣文館進士徐振撰

文中子曰佛聖人也其教西方之教也以其然者  
謂能設方便究苦空之理作善者昇之天堂受樂  
無極爲惡者囚諸地獄所不盡故使者懦而

兇者歸乎善矣是以知佛之神聖不可象盡也已  
始稱一佛復證果者七名曰祖焉自茲以降枝葉  
扶疎厥名繁夥等於河沙以至名號者阿彌陀  
萬計億數然則數千年後飛塵不足齊其多矣且  
佛生長於西方設其教教其俗猶謂克艱矧流諸  
中夏綿邈億萬里含齒之倫家家信奉人人尊拜  
若已師焉苟曰不神奚數千年間使續容彩像密  
處重屋厥徒誦誦手爐燔香旦暮拜祝目不識蠶  
而被純綿之密麗手不執耕而飫膏粱之珍美墉

陛彩篆土木文繡煥赫厥居熾擬王室盛而弗泯者哉亦常有傑出流輩通明教旨者擁徒百數儼然肅 據禪坐冥暢厥義使懵者知而昏者明寂滅超陷之理悟而開焉圍繞瞻禮謂之出世噫廣我聖人之道明我聖人之旨章縫衣冠聲振海者其徒不及二三十誠無他焉止所謂蠶然後衣耕然後食又什一之賦在其中矣完厥室廬止可以蔽乎風雨烏足與彩篆文繡之熾髣髴而談也嗚呼佛之教始於漢明寤於梁武迨乎我朝受

禪周祚皇澤帝化日月所照靡不被及北有五臺清涼之境西有峨嵋駕象之所南有泗濱生聖之藩中迺都城集福之地佛廟之勝無土無之皆金碧滉漾紺瓦鱗次列刹相望樓閣臺殿高下參差門戶千萬每歲會皇上誕辰落髮稱大比丘者不減千數天下業經試可籍名奏御者又不知幾千焉故知百民五僧不爲誣矣方今之盛頗近蕭梁以天下之廣緇田之衆豈無能樹教飾像發輝前佛之心者哉今和上俗姓吳法號方教東牟黃山

人也幼惡塵累知佛之可以歸依也始年十二南來昌陽禮寺僧志虔師焉十九剃頭二十受具足戒披大如來衣日化四方廣增善利一日捨已錢三十萬遣徒南抵餘杭購白檀模大聖真像入境之日擊鼓吹螺緇俗淆混驩扶笑引合雜道路至止之初和上復勅其徒曰真像旣覩秘宇未備可共化緣信衆樂從命工鳩植成側殿於院之巽隅面乃金方便乎旦夕之禮已而丹梁虹伸雕甍鳥企旣壯且麗以落厥功於戲能樹西聖人之教章西聖人之道若天之高地之廣日之明俾無窮盡非和上則誰與振邑子也被率紀實固艱牢讓擗管遺辭覲顏弗旣鑿諸堅石用傳不朽

慶厰命元五載太歲乙酉九月癸未朔九日建

三班借職監酒稅邊用 僧志明書 桑華刻

字 將仕郎守縣尉王沐 將仕郎守主簿劉

昭益 密州廬山安國院講百法論沙門初成

僧文忱 將仕郎守秘書省著作佐郎知縣

事監兵馬監押張芳 前表白僧方曉 僧

方迪 僧方悅 僧方甯 寺主僧淡全 維

那僧德清 僧守閑 僧崇明 表白僧懷清

大聖院一僧方教 小師守崇 守潤 守

用 守辨 守元 守一 閣主僧懷鑒 僧

知先 以上碑面

碑陰題名

在縣坊內鄉貢學究張從諫張巨張濬張信張吉

張明張祐楊祐馬声冷朋冷湘冷化段溝徐安

蕭明趙一趙昇趙著趙信喬信唐元劉裔孫文

白王旦戰儒張忠荏 陸一王宗耶勳蕭

劉秀蘇人張象王象口

進士郝茲郝禮進士郝村郝經郝心 蓋良蓋式蓋

述蓋 蓋李誠季李慶閣明閣顯孫誠逢秀鞠

用藥慶徐聞徐新于海劉慶劉政劉迪隨冲李

方滿選孟田辛開 孫仙隨干隨琮段昱

萊鳳鄉三焦保施主廣文館進士徐振柳心 柳規

徐 徐欽喬舉劉誠宋旦隨美楊主口楊安民

于質萬口段穆刁湘張江張誠鄒政潘布隨演

增修登州府志卷之三  
陳遷觀口吳慶孫贊吳之王慶藥成李倫

允首宋善問隨甫隨記姜隆矯從張心王安王華  
于裔于又孫象姜臻遲清王海孫昱孫何孫仇  
姜新戰問于忠于心于恭于選蕭又蕭質楊進  
姜旦姜信劉冲邱氏鄒行劉鳳  
選

姜諮

開元鄉干山保施主進士官樞校書宮謂學究宮  
瑞柳裴焦充郝經 都遂王策王戒王鑒于  
慶于縉 宋韓明柳垂林盈林昌

王琛 氏

冷新魯沂徐又

辛秀董

劉瞳保維那車田于彖王輔矯書矯思矯光矯之  
矯錫矯苻于政林之于侃張翼杜常杜簾于準  
紀一李旦柳信柳尙柳裒柳顯柳行柳鐘柳安  
閻 閻臻閻隆閻良閻信王忠王討李岫戰福  
倪

目周敏周 周澤周諫周

孫明周

峯周藏郭象周鼎周輦周謙甯方隨隆姜察

舉孟元于隆 女弟子譚氏王裔王華

于重于譚孫筠王隆

永福鄉灰村保施主評事王 王宣王度于亢

□□于海

禮泉鄉呂瞳保維那房 維那張 顯房

惠房北房陶房行姜顯姜元房化楊澄王玘王

鳳孫方滿選劉慶劉成路安王顯隨氏劉玘解

玘 胡氏高 劉 吳

思吳俊吳坦吳義維那門德 王團王尙王

舉曹平于元于誠林澄趙汭姜不姜甯初環王

故周忠于閏周遂 王秀蘭選王選柳華

王慶

掖縣界義感鄉周季保校書路儀路亦路翼路盛

徐道鮑希 維那王華郭氏丁义于玘于清

于新母親紀氏 砌匠人楊遵福

德孝鄉南徐保鮑良薛久王基南錫李慶吉選李

澄李譚呂選宋明崔澤閻密崔 盧隆妻劉氏

張昌母王氏

當口鄉鍾樓功德主僧法同僧 仙僧宗得

燈明寺尼守堅尼遇緣尼 尼智明尼從聽尼

守德 郭美

此碑以咸豐初出土原在北郭外真武廟路西  
曲姓田中清明節耕田礙耒耜少息以鍤掘之  
昇於田畔勸自邑北祭埽回見眾舉巨石意將  
撲碎因止眾手摩涇泥盡現字形遂索帚拂拭  
見字跡完好行書摹聖教序但有稜角得悉為  
北宋慶厯五年所建素慨邑志明以前畧甚碑  
中所題先達皆志所未載見志者惟張公從諫

一人而已迺因金元踵亂邑內藝文盡被兵燹  
今於數百年後獲覩諸先達於古碑之上洵為  
罕見惜石有泐去者亟為鈔錄備補邑志之闕  
碑存真武廟中咸豐十年庚申嘉平之吉劭臣  
張勳識

宋張備墓誌 嘉祐八年 石在蓬萊

先祖姓張氏諱備 先祖母姓何氏生五子一女

長子諱昇次乙名亡次諱成次諱澄乃文遠之先

考也次諱日新長女適於李氏其夫終於左殿直

增修登州府志卷之三  
次適於隨氏 先祖之壽以歲代綿遠不得其實  
然 先祖母守喪寡居僅三十餘年 先妣姓于  
氏生文遠及二女長適於王氏次適於田氏 先  
考壽五十而終先妣壽八十而終然皆塋域異處  
而未合焉文遠今擇癸卯歲戊辰朔月甲午日乙  
時改葬 先祖 先祖母 先考 先妣之塋於  
州之西南七里土脉深厚水泉清美庶幾 先祖  
考之靈安其居處而佑助子子孫孫其昌盛焉時  
皇宋嘉祐改元之八年十月二十七日孫醫學博

士文遠立石曾孫戴書

計地一畝二分令兩步陰陽人張昇  
右石高一尺三寸廣一尺七寸二十行行十三  
字凡二百三十七字完好無泐者首行題為先  
祖張氏墓誌雖邛里之言而明白無委瑣字體  
亦楷則然誌語祝其安居而佑子孫迄今光緒  
辛巳八百有二十五年耳而石已為他人所葆  
藏不復識其墓所矣三復誌語為之愾然

宋黃山寺碑

碑見存寧海  
州南百里

大宋國登州牟平縣東牟鄉巫山保蓋間□□金  
漢帝末祥功□□□□而定號況乎金□寶地是  
英明殖德之場梵宇精藍迺檀那種福之所是以  
□□懋揚善須仗奇材豎正摧邪仰憑碩德儒乃□  
□□□須仗羣英若不撓於賢豪獨力難爲成辦  
今者當院大殿一座功德三尊徘徊七事周全□  
滿□尊具足莫不玲瓏異□□□□□□堂主□  
□久發意年深良材十方演化磚瓦遐遠松那精  
藍有地大殿全□先鑄金同像佛無處安祥致使

人天□□□□□□每見雲生霧起□□□道興西  
入岨嶠名峯長晉八方控動四面□□□□□  
普天□仰北有神女之山執爐□峯殊當□□□  
具備□□有□□□□□峩呂虛到宅者豈不是祇  
陀施樹孤給買園永作伽藍之主常爲墳之公所  
有□院主繼貞者心濯湛□□□□□善播□□  
□□□作道咸則溫恭立性□□成身□西方□  
焉依乃四海酋是託兼則匡□功□修持物切合  
則□遇□聖朝得值明時普賜敕□□□來何□

□□□□輟□挂門乃述誦曰奇哉黃山院美□  
一方緣聖□□□□□□□□檀那皆助喜  
共賀太平年殿堂高□□□楹近日邊□□良工  
□彩繪色新鮮功德三龕有周迴七事全崇隆□  
□者福□得昇天院及居黃山卧□□□万墳前  
崑峩真金壘峭峻黃玉連鄰有龍三洞興雲可覆  
天順時甘雨澤稼穡並常□□□龍神護萬里得  
□然□邇神女峯號曰執爐山多應蓬島客必是  
洞中仙□朗麻姑頂□□□□傳□□□□保里

境□□□言□□□□大宋甲申之歲熙寧元  
年十一月廿七日丁酉朔記開元寺講經律論□  
□□□司□□□□□講經論沙門立師□□□  
初叅□□□吉

黃山院碑宋熙寧元年立額正書敕賜聖壽黃  
山院之碑九字文多漫滅不可讀未作讚語皆  
五字韻語義皆鄙俗且云時爲大宋甲申之歲  
熙寧元年十一月二十二日丁酉朔記云  
爲紕繆元年乃戊申二十二日不得爲朔也蓋云尤

鄉里小夫所爲耳碑中半以後題名皆漫滅不可識

宋登州黃縣廬山延真觀紀異詩石刻

東牟郡屬縣曰黃黃之西南廿里山閒有觀名延真隋冲禧盧真君煮藥登仙之地也觀有池直聖母殿鄉閭歲時祈禱嘉應非一紹聖四年十二月初七日夜大寒池冰凝合遼旦視之冰中有色纍纍如貫珠玉皆成物形細瑣不可殫數其閒層級隱映爲佛塔爲香鑪者狀殊明察雖神理渺綿不

可詰然奇祥美瑞渠無自而至明日蓋興龍節也以人占天其端可見先是真君座側生異草細莖柔蔓榮紆詰屈覆被神像上引茱棟旁緣壁堵葱蒨蓊鬱歷歲始枯去今且三十載矣當時莫紀其事因兼述焉告諸未聞縣人徐三畏

芝陰舊是神仙宅駕鶴冷風著前籍青冥倒景不可尋閒有遺靈表奇蹟往時瑞草出西楹蟠莖引蔓延屋壁蒼鬱青葱淨點塵覆被仙容周幄帟通人備考神農經無說無名終不識轉首於今三十

增修登州府志卷之三  
年日觀耳聆猶歷歷邇來復見古砌下冰結池面  
堅鐵石中有瑣細百千狀貫玉聯珠相倚植爐形  
塔影最明察儼如天匠窮雕刻堵觀魄動駭且疑  
試爲求端一推覈有道致祥聞自古諒由叶氣潛  
薰炙川珍嶽貢惟恐後器車丹甑何由惜舜廊淵  
默正垂衣雁塞清夷方偃伯宜哉殊像發□□□  
應興龍靡差忒至聖謙沖美不居瑞合圖書禁牋  
冊草茅爵躍賦巴口竊與堯民喧壤擊

正月五日從德儉大夫遊廬山聖境坐中作以紀

一時異事錫山野逸子守億

明廷事業青雲上暫屈鳴絃非所望聞有靈蹤在  
境中何惜揮鞭時一訪石路盤迂入道家老松偃  
蹇枝槎牙昔年煮藥盧童子嘗聞白日乘雲霞紅  
塵不到神仙窟殿宇荒涼古突兀海近山深春未  
來寒風吹池水生骨厚冰無文印沈冥一泓斜卧  
雲母屏屏底有物色如玉隱隱結就浮圖形澄口  
照眼琉璃瑩還同倒影落明鏡殆非人巧出天功  
聳俗安知凡與聖吾皇德澤被四夷產此正是龍

興時畫圖難展丹青手聊作升平瑞應詩

廬山事迹甚著始予欲為之記會同游二子遺詩所以叙致畧盡因不復作姑為手寫刻之置觀壁中歲月則既見於右方矣口水任廣題

東武劉璫隸 濟南陳柄萊陽張有德立

右石刻在廬山觀神龕後壁合二石為一而刻之康熙閒分立二石而參他石刻於其中幾似二碑矣好事者亟宜更置還舊觀也徐三畏詩并序縣志已錄閒有不同處或後人刪潤或鈔

錄之訛皆不可知要以石刻為正序文首四句縣志刪作廬

山延真宮上引宋棟縣志作梁棟詩芝陰作芝陽冷風作凌雲轉盼作博問目觀作目觀雁塞作鴻塞方偃伯作亦偃伯草茅作華祝巴口作一詩皆當以石刻為正 野逸子守

億詩縣志未載姓氏急就篇云守氏見姓苑然未實徵其人是宋時已無此姓

豈其人自稱野逸子遂據此詩則任廣為黃縣

隱其姓而僅書其名與 令縣志亦失載也而人物亦不書徐三畏

宋葬唐臣遺骸碣文在姑餘山麻姑墳左碣高四尺共六面面寬四寸許厚廣均書

大楷六面面一行行九字書小楷二面面四行楷法適雋南渡後無此筆致惜唐臣何人瘞葬何時皆無可考

大宋宣和六年歲次甲辰二月廿四日葬唐臣遺骸立標識碣文制永爲瞻禮者發暴之戒云通直郎知登州牟平縣管句勸農公事沈栩書

宣和六年見行

勅條下項

一准律

諸發冢者加役流已開棺槨者絞

一准令

諸獲發冢二名比強盜一名

諸親獲強盜每一名轉一資

諸賞應轉資者於本職名上轉補無

資可轉捕盜每轉一資支錢五十貫

一准格

諸色人親獲強盜二人轉一資錢五

十貫

右刻前列署款後列勅條因藏遺骸而戒及發冢且明著律令用意厚而且深亦徵其留心吏治也州志曰下注語詳實並存之

金九龍池詩刻

天眷三年

天眷庚申下元暇日李仁仲謁姑餘迴訪九龍池

詩

游宦驅馳厭嘔心口然乘暇訪虛真口行敢憚所

山鬼□道何辭謁水□□沼有為興雨露□山無  
許見煙塵□□□風雲肯假幽人力更放清流濟  
遠民

天眷二年十月十七日敦武校尉閻家寨巡檢周  
謹立石

金駝磯島石刻

大金皇統六年保正張牙局子□□因勾室女□  
會九月二日□州□□謹記

右正書方寸五分許凡五行行六字共二十字

不知其何所指而曰保正曰勾室女曰謹記疑  
當日有採選宮女之旨官役所在搜訪故書年  
月以謹之知其非凡常差役矣亦可以備一時  
之掌故

棲霞濱都宮殿春木榜刻文

金龍門寺碑

大定三年

尚書禮部牒

寧海軍牟平縣龍門□僧善珪狀告本院大殿內  
見有佛像自來別無名額已納訖合看錢數今立  
寺名勘會是實  
須至給賜者

牒奉

敕可特賜龍泉寺牒到准

敕故牒

大定三年七月 令史向昇日主事安石

中憲大夫行員外郎李

郎中

侍郎

正奉禮部尚書翰林院學士承旨知制誥 國大

王立

大定三年八月 日住持僧善珪立石匠人姜义

刊

金龍興寺石刻

南崗山龍興寺

六字橫書三行每行二字

劉善玠

鞠行辛鞠元

石匠人馬玉

明昌六年二月日

右刻在蓬萊縣城南九十里崗山石壁上咸豐

十一年鄉人避兵於此遂見其文意當時屯兵

處也

歸山操碑

鈺與雲水僧竺律師殿試范壽卿相會於郡城之北三教堂因焚香晏坐命鄜州道士王大師鼓琴久之亦一時之盛會日昃則有鄉人雲集由此作琴操歸山操蓋鈺有歸真之意也時大定二十三年九月十一日崑崙山丹陽馬鈺記

能無爲兮無不爲能無知兮無不知知此道兮誰不爲爲此道兮誰復知風蕭蕭兮木葉飛聲嗷嗷兮雁南歸嗟人世兮日月催老欲死兮猶貪癡嗟人世兮魂欲飛傷人世兮心欲摧難可了兮人間非指青山兮當早歸青山夜兮明月飛青山曉兮明月歸饑餐霞兮渴飲溪與世隔兮人不知無乎知兮無乎爲此心滅兮那復疑天庭忽有雙葉飛登三宮兮遊紫微

范壽卿跋

吾鄉劉宜之郡城之北有庵一所寬閒深靚以館四方雲水之士命僧燭律師主之燭一曰竺予因暇日與丹陽馬真人常遊息其中名之曰三教堂一日

焚香晏坐有鄜州道士王公抱琴而來作金石弄其聲清越遠山與之俱應真人作歸山操以示眾人皆升仙妙語無一點塵氣人敬愛之噫真人已羽化矣斯文不可復得命工刻之於石用傳不朽耳

靈源觀記

蓋聞覆載乾坤是□□立元之妙□聳□□鬱然叢茂□□□南曰廬山最爲幽勝□□□之所居□雲輶之寄矣□□□西接靈源之河□□

□□奇秀□□□之□縈□□□□服既終□□□正於真仙□□抑又親炙於□長春上□□變遷天□至正真教□□□去□□陶甓掄材□□□之神休帝主延無疆之聖壽□□大朝歲次強圉如月桂圓□□黃登□□登□□□登

元憲宗七年丁巳

按此刻據黃縣志爲元憲宗七年丁巳作而今拓本中如志所云書丹篆額立石諸款及碑後

題名各官姓名皆概不見未知其為一石以否  
且云書法清適亦未見也唯大朝歲次八字同  
耳而志於如月下為崇和大師云云此本則作  
桂圓二字其非一石明矣以望日為桂圓亦大  
雅所不道也

元立都觀碑 東山老人高暉撰并書丹 棲霞羽

士劉德中篆額

憲宗八年

蓋聞涉恍惚履希夷體獨化執圓機御六氣以道  
遙乘二儀而放肆不疾而速於立感大順而齊以

天鈞著象外之神功宏區中之至教 四闕廣

運以無窮九野八紘樂推而不厭仙彌坤之上土

福寰宇之蒸民維茲 實曰真人今夫丹陽真

人扶風著姓大晉逸英挺出類之仙姿稟超凡之

道器氣充河漢量納崑崙崑崙真人之故里乃寧海之

名區南列崑崙羣山連屬引雲煙之霏霽聳巒嶂

之參差翠色嵐光靄然可掬環周六壑宗納萬川

巨海洪波浩然無際蓋神秀所鍾異人閒出故真

仙達士馭飄歛步雲霓而致道登真者歷代不乏

誠所謂真仙窟宅者也郡城之南相去三里許地形豁爽氣象鬱蔥左控廬山右瞰武寧前列巋峯後依古郡繚長河之沃流蔭喬木之蕭森卽瞻聞宿儒范公明叔之花園也奇葩異果藤架芳叢靡不可人最爲嘉處有亭翼然號曰怡老真人本字宜福時與范公明叔高公巨才清吟大唱酌酒撫琴遊宴於其中金統大定七年孟秋桂圓日宜福揮灑一頌於其壁云抱元守一是工夫嬾漢於今一也無終日陶陶暢神思醉中卻有那人扶夫

重陽祖師遇至人於甘河尋知友於東海與夫二三子慶會斯園當爾之際明叔卑詞請問曰先生何來祖師曰特來扶醉漢衆皆驚嘆始知宜福與祖師有豫約之期故更亭名曰遇仙宜福穎悟投玄而師事焉祖師賜其道號曰丹陽法諱鉅字曰玄寶已而度長真長春玉陽廣寧純德其形狀之始終神變之徵異具載於仙傳今畧而不書越大定九年祖師唯挈邱劉譚馬雲水西游聲傳四海而後南邁汴梁祖師以教門後事付於丹陽

久而厭世脩然返真四子負冠劍而歸葬終南廬墓制終分方設教導黎元之善氣噫大塊之和風破羣蒙曠劫之重昏覺有識多生之大夢道之所在物莫不尊仙馭所臨人心自化丐仙名求教字者日以雲屯上卿列侯才士時彥勤誠請益者有若歸市深悟微緣頓拋塵累易衣冠而景從者日數而不及矣自是厥後陰陽審度之區方俗異宜之域盡知道化成仰立風歲在壬寅真人復歸仙里是以明叔施此昔遊之圃永爲清化之庵締道

德之殊緣居人天之教父自爾仙鄉改色福壤生光大定二十三年季冬下旬二日真人處順而霞騫矣遐邇輿情不勝哀慕泰和六禩長春真人鶴駕東來宅斯仙境敬丹陽之故居冀宏模之大闢令門人邱志堅質其觀額曰立都真人應緣接物將適棲霞以觀事付高弟洞真大師于志安清通大師邱志堅立通大師盧志溥清立大師牟志進挈道侶二十餘人集材選匠範土鳩工締構積年營繕浸備貞祐之際煙塵瀕洞冠服流離數載

增修登州府志卷之三  
之功一時俱廢矣有崇真大師王志辛崇元大師  
姜志鈞崇明大師隋志純皆素節清明道行高卓  
之士夙依仙廕早寤玄猷不辭亂世之危唯篤肯  
堂之念物不終否潛臻小康萃止雲朋增修宇舍  
伸發曩志而再展厥功矣伏遇大朝開創品物咸  
亨歲次己卯長春真人應詔之後遷善者風靡學  
道者雲蒸全真之教愈隆而愈盛矣觀下門徒甚  
多唯清真大師于德遠通真大師張德真洞玄大  
師劉德永最爲上足共率同心之友重興儲社之

庭口本郡觀管民元帥長官與其弟元帥太守二  
姜公以文德并播於英聲以武功同馳於偉譽政  
成多暇邃覽重玄喜捐珍物茂贊仙風以次名宦  
顯仕大賈富商各輸帑藏之豐口統助盛緣之廣  
費經營靡輟締造落成殿宇雲房齋庖寮舍門垣  
庫庠燦然一新所以降格雲車詳延羽士仰祈蒼  
昊福助皇朝戊申之秋掌教大宗師真常至德又  
玄真人奉朝旨追諡仙師以道號爲真人之號焉  
仍改其觀曰玄都宮是宮之跡丹陽真人肇本於

增修登州府志卷之三  
前長春真人恢張於後大教傳芳羽流相繼雖經  
暫廢而復崇成偉矣哉仙師會遇大振玄綱聞風  
者比屋而好善得意者接袂以昇仙使普天之下  
寶觀琳宮星列綦布原其所感自此口宮劉公大  
師惠然相訪囑愚為誌辭弗克免聊記其實云爾  
皆歲次戊午十月望日洞玄大師知宮門事劉德  
承賜紫通真大師張德真立石省匠都作頭盧寶  
刊

牟平縣丞劉國機 牟平縣管民長官賀元吉

昭毅大將軍元帥左監軍寧海州刺史兼知軍事  
姜思聰昭毅大將軍元帥右監軍寧海州管民長  
官兼膠濰莒密等處總管萬戶姜思明 寧海州  
等處都達魯花赤必里海

元金華宮碑 世祖至元八年

上段 關 魯 領于邦傑都監權縣事宋寅呂琪 卽

墨王 東 上段 關 林谿居士楊庭傑撰并書丹 古

黃士人遲恕篆額 道德始落人寰

繼而 立言傳布彌廣非 求之得者鮮矣

涵泳萬類得之中者王公失其貴威武失其勇得之次者心廣體胖耳目不能移其非高其道而何所慕哉金朝大定間諸郡至東牟遂接馬丹陽譚長真劉長生邱長春王玉陽郝太古動靜云爲雅所丹陽自西而還攜杖至古黃觀其山海形勢作長短句云東寺西城南山北海中靜居傾城老幼積土爲臺臺曰寶華結庵曰金玉以爲燕屈之所吹枯木發春疑清之殿樓真之堂廚靜寮剋日成趣偶應它方之緣

傳其秘旨付高弟溍于抱一荆榛荒之歲久

遺址存焉寄跡於金華仰慕之重全清真大

師王志全門契高林道堅李道海劉志明洎

飛祈真祝闢土田經營常住以給大眾清虛

大師門弟周志真馬志清馬志明孫志元費與力

知宮王志和王志義至元乙丑秋焚香會衆

於金玉堂下誠而告之金華宮乃

事堂除縣尹孔思問謹狀其行余因道

適邑縣之掾長生安引

末

而之銘曰

永

堅剛

全真

之理 契道為良 全真之教

占東方

臺曰寶華

積土如崗

庵曰金玉

園

而藏

宮

高真殿堂

齋廚欄圍

臨風

自香

仰祝

御

前司

百戶

路提控

悟真大

師王志和知宮王志義等

尉夏珪

縣尹

孔思問

縣尹兼行登州判官王智

州

知州移洌脫必

臺達魯花赤阿散

右斷碑在文廟尊經閣前明嘉靖閒取作卧碑

刻敬一箴幸未磨治文猶存碑陰其二云金朝大

定閒

闕

諸郡至東牟云云蓋述重陽子王嘉自

陝右越諸郡而來也嘉咸陽人棄家學道狀若

狂疾正隆中自稱遇仙人於甘河鎮飲神水疾

愈遂自號重陽子大定中聚徒甯海州立三教

平等會以孝經心經老子教人諷誦而自名其

教曰全真即此碑銘詞所謂全真之理全真之

教也嘉授七弟子邱處機譚處端劉處元王處

一郝大通馬鈺及鈺之妻孫不二稱為七真卽此碑所述馬丹陽諸人但未列丹陽之妻孫不二耳尋碑文義金華宮寶華臺馬丹陽建於金源時王志全等重修於元初縣志未詳敘也馬丹陽云東寺西城寺當指元魏石佛寺而言因寺額佚其名後人遂曰石佛為金華宮故物爾

馬丹陽之名曰下舊聞考引作馬鈺四庫全書存自引作馬珏元史正處機傳亦作鈺又萊陽遊仙宮有皇慶二年正月刻丹陽真人歸葬記則馬為萊陽人也

重修宣聖廟碑 遲忠撰本縣司吏杜瑄書丹前務官鄒甯篆額監造官高德勸緣醫工

高濤

大哉孔子道本生知聖由天縱齊日月之明配乾坤之德不位而尊不爵而榮不威而嚴垂憲為萬代之師立言為天下之法後之學者能知道乎是故立身之本曰仁曰義蓋仁義之道莫大於人倫人倫之明莫先乎正理自三代歷漢唐已來國有學家有塾黨有序里有庠而不廢焉况黃邑者乃古萊子之國自經劫火 井灰飛文 電滅逮今六十餘年矣本縣 文廟亦為瓦礫之場粵自

大朝戊午之冬十月前縣令遇珍縣丞調密州判官楊信縣掾呂琪然構殿而飾未完至元

己巳七月十有九日縣侯孔公從署前任夏津尹正堂除是邑下車之日首謁祠下伏覩廟貌疏漏每遇朔望公乃感然不甯越明年春丁會議主簿夏公相玉按國古制率由舊章設初亞終獻三官陳俎豆牲幣之禮致祭於大成之殿黃中耆艾爲曰於戲聖道久淹教風幾墜禮儀典常之制廢而久矣匪縣侯致敬烏能振於是日祭

敬之大者 大乎是也公與千戶王顯同謂僚屬者曰方今 聖天子振儒風興學校育人才此千載盛事也況芝陽古之名區載於麟經其文廟疎漏不日將壞聖像尙闕使邑公 進者將何起敬者歟豈不憫哉當鳩工募匠輪奐益新自至元八禩時維九月農隙告閒公乃首設意興計甚大必使 其功役也 日大舉

營繕不日落成繼命畫工衛公君祐塑嚴 先聖 容克國鄒國二公四科十哲繪於絕壁物彩

章施焜燿心目正殿門樓規模宏構咸覲益新及其縣之廨宇 堂廚室門屋垣墉聿新 構四方來觀者皆欣欣而稱幸焉及二公之條教剛而能柔威而不猛以儒書飭吏事雖古之良吏難以加也民無德而可稱公又述勸學記一章辭典而實理簡而深矜式後進昔周魯侯申能修泮宮漢文翁首興儒學今孔公化民知禮義行孝悌信法古之大同百姓騰曰來何暮之矣 部除本縣酒稅醋務都監梁鄒陳公君實暨 淄萊路 府委

任本縣同監公明淑才德兼資乃知人之鑑仰公之德慕公之政命工勒石紀清德以貽將來者託予文爲義不容卻毋敢斐譽皆其實以爲之記

東萊梁翌刊

時至元九載二月望日黃縣同監宋寅都監陳柔立石堂除王鍾兼尉夏珪

從仕郎黃縣尹孔思問

東嶽廟碑 本縣教諭遲忠撰 縣掾杜瑄書

縣侯孔公重修神廟記 監造官前督監

鄒甯張奉

漢明帝封泰山神爲泰山元帥唐會要垂拱元年七月封天中王通天元年四月尊爲天齊君開元十三年封天齊王國朝會要宋大中祥符元年加天齊仁聖王十月詔加天齊仁聖帝乃五嶽之尊百神之主載於祀典而天下崇興廟像享血食祈禱而祀焉夫黃縣聖帝行宮道觀街之南朝真坊之北以兵之後廢而久矣癸卯秋九月忠顯校尉前本縣主簿王收重構廟貌內外一新日月旣遠獸脊墮頽檐楹朽壞幸遇縣侯宰公孔君到治

使民以時敬神如在蒞政之暇文廟聖像城隍暨諸神祠縣之廳堂廨宇巷陌坊肆息肩池館靡所不舉例皆重葺判簿夏公玉協義而爲之邑人咸者曰賢哉令尹判簿夏公移風易俗則可爲民之父母矣史記封禪書徐廣注曰黃之爲睡在萊之東今黃縣也乃古之名邑其來甚遠而況士民干戈之後禮樂崩壞斯文欲喪風俗囂漓人民淳質宰公孔君夏公下車之日不待政成教民以德義而民知禁貧富各得其所無不被其澤也

及公之善政素合民心公之忠直德合神理百里  
頌聲洋洋乎民無能名焉前登州諸軍與魯千戶  
王顯慕公清德忠政偉譽欲刻佗山之石以彰孔  
公游宦清白之名庶使千古龕於殿壁永傳不朽  
囑予以文僕胸臆艸茅聊紀盛德以爲之記

昔大元國至元九年歲壬申八月上旬八日前登  
州諸軍與魯千戶王顯立石

昭武將軍遇侯神道碑銘

□□務郎前行□□□前翰林待制奉訓大夫登

州知州兼管□□元□□丙午春 月縣南府推

代而歸深居 巷 而告曰先府君譜系出自

漢名臣東安太守遇沖之後 壬辰已豎豐碑考

妣昆仲權措已久先塋狹隘今 欲琢石肖像

羊虎用光邱壠聞諸例有碑剽屬丐文 久相

魚肉萊城□□公乃 百姓鳴譟山林□□□

而食之其 設相 也抑又才力過人□□

□王知侯謀勇擢充都總領廣口將軍未幾改授

□□□寶書金符寵異尤殊軍民大治時亡宋

未附行台擢□□鄉閭境忻然不□年間興庠序  
創文廟勸農桑厚風俗□□□朝命次子

繼承其廕至元壬申十月初八日終於□□□

□夫人 顏氏 世族廣威之女無出夫人傅氏

一子□□□□□敦武 尉轉忠顯校尉調黃縣

昌邑魚台招遠膠西□□□□□陞武畧□軍深州

知州秩滿欽受□□□□□□□宣命沂州知州年

踰耳順無病而逝娶夫人楊氏仙逝二□□□子

四女四曰國時英勇謀畧良有父風□□□□□

□□朝渡江遴選陞□□為驍將屢獲戰功累受

□□□□□□□忠顯校尉上百戶 軍

千戶數年之間悅服軍心□□□年踰六十樂

於農桑妻郭先逝三子一女 娶王□□□□英

武卓然有豪俠之風兵塵板蕩之際□□□□

然痛思考妣昆仲稟殮未甯卜其宅兆而□□□

□苗裔漢代名臣 東安賢守嗣□□□□全

一躍亨 官至昭□煌煌金□□□□峙松

楸之不 嗚呼□□□□□男國宣 國正

東華紫府輔元立極大帝君碑

東萊石匠提領孫

世昌鐫

翰林修撰從仕郎同知制誥兼國史院編  
修官鄧文原撰

翰林學士承旨資善大夫知制誥兼修國  
史張仲壽書

翰林侍讀學士朝列大夫知制誥同修國  
史趙孟頫篆額

道原於太始而備著於天地萬類神仙者將秘其

道以爲己私乎然必公天地萬類而其教始宏遠  
博大歷久而常存昔黃帝老氏立言已垂道紀而  
緒承爲神仙之學世傳煉氣葆形者必擇高迴閒  
曠之地以頤其神故慕而從之者亦東遊海上求  
蓬萊方丈瀛洲及羨門安期生諸不死之藥所禮  
天下名山大川八神而其三居東萊之境考其遺  
跡猶在乃若神仙之變化卒莫可端倪豈樂其名  
不究其實歟文登卽古文山所理其西則有崑崙  
之山南走鉅海岡巒迴合繚以溪泉雲木撐空水

天無際又東南有峯曰紫金尤秀絕茲山肇金大  
定閒丹陽師馬君勸夷榛蕪以營以構曰昔仙人  
東華君常棲真於此吾全真教之宗也因名其觀  
爲東華暨皇元混一區宇道崇清靜世祖纘承丕  
緒益闡玄風至元己巳始賜號曰東華紫府少陽  
帝君越四十有二年爲至大庚戌聖上克繩祖武  
復因其故號而申錫之曰東華紫府輔元立極大  
帝君璽書周渥輝賁林泉神人具喜蓋古聖王先  
成民而後致力於神時維制定功成則禮隆秩祀

導迎祥祉所以阜羣生而揚景命按道藏東華者  
木公炳靈受青陽元真之炁有白雲上真者授之  
以符篆靈文金丹火候青龍劍法白雲嘗得之金  
母金母得之太上者也羣仙萬靈仰企道妙終南  
代郡真遊超忽雖顯跡自漢然莫原其初夫道自  
本同根未有天地自古以固存在太極之先而不  
爲高居六極之下而不爲深先天地生而不爲久  
長於太古而不爲老曷嘗有常名哉吾觀崑崙之  
山瀕於東海東少陽也時以春首性以仁該德以

元長凡生生者咸資之以始造化之氣細縉亭毒  
必有主宰是者茲其東華之所司乎楚漢祀東皇  
太乙曰天之貴神其佐爲五方帝生民日蒙惠利  
則思尊其位號竊計神者輔天行化固謙遜而弗  
遑居也又按東華之傳爲鍾離呂劉王王之傳爲  
馬譚劉邱王郝孫今皆以次追崇示道所同來夫  
東華邈矣丹陽之言曰道以無心爲體忘言爲用  
柔弱爲本清淨爲基心不馳則性定形不勞則精  
全神不擾則丹結然後滅情於虛凝神於極不出

戶庭而道可得也逮長春師邱君適逢太祖聖神  
啓運常遣使奉書聘師於東萊訪以當世之務保  
身之術師首陳天地陰陽生育之大中原文教具  
在聖經治國治身之道大備方今山東河北盡爲  
臣妾自兵過震盪流離未復乞陛下慎選廉能息  
繇免賦以安黎庶諸福自臻帝大感悟命近臣書  
諸冊斯言庶幾乎公天地萬類者由是全真之教  
大開累朝光寵施及前人今東華宮主武道彬李  
道元等謁文於余曰吾教者皆本東華而無文以

紀其曷以詒厥後余謝不能而請益勤則為敘次  
其所以然者且系以詩俾歸而刻諸石其辭曰

東華之山高崔嵬 翼以巖巘臨天池

洪濤瀾汗眾流歸 赤日曜景扶桑枝

春陽敷舒神所治 爰駕蒼龍載青旗

凍雨清道調風吹 下司水府安地維

上參昊載立化施 周流六漠羣靈隨

惟神之旂紛委蛇 其去無朕來無涯

道以形索以名窺 是殆壺子衡氣機

至人修之存希夷 虛靜恬淡居無為

氣致 能嬰兒 長生久視永不衰

若姑射神冰雪姿 使季穀熟物無疵

道合穹厚非爾思 翕張之用橐籥推

天書下賁星漢垂 永鎮茲山隆帝基

基羣 春祺 時 蠲祀神格思

尚演秘文陳銘詩

大元國皇慶元年歲在壬子十月十五日立門演

道大宗師大明演教天陽真人常志清立石

功德主昭文館大學士金紫光祿大夫遙授中書  
左承相大司徒大司農領太醫院事尙服院使李  
邦甯

大東華宮紫府洞記

翰林修撰從仕郎同知制誥兼國史院編  
修官鄧文原撰

翰林學士承旨資善大夫知制誥編修國  
史張仲壽書

集賢學士嘉議大夫同知尙服院事楊光

祖篆額

文登之崑崙山肇建東華宮詳見集賢學士焦公  
所爲記初丹陽師馬君還自秦卜廬白玉台下是  
爲契遇庵其東南則紫金峯嘗曰茲紫府洞天往  
聖修真之地山川靈迹秘而復啓其在後百年乎  
自是室宇虛構視其教曰崇而洞猶未闢數若有  
待也大德甲辰主是山者李道元顧瞻鉅石如峯  
之趾根從雲蟠勢凌空浮孤起峻峙巉巖磊砢若  
太古欲判人謀鬼謀時至冥會始運椎鑿堅曠未

化則又規以爐炭鼓以橐籥烈火所煨石理迎解  
易若朽壤呀然而空穴開冷然而陰風生乃斲白  
石爲五祖七真像祠其中期與茲山不朽工成有  
羣鶴翔空觀者以爲瑞稽其歲月適與前言符竊  
意仙者深根甯極故知來若神不然其協焉若此  
哉夫陰陽者天地之大橐籥也萬物之胚臍也變  
化盈虛合散有異學道之舍妄歸真易昏爲明乎  
洞之空同合道之中洞之突奧觀道之妙抱元守  
一與洞同寂神遊化先廓乎洞天或譏以鑿混沌

者道元曰道無不爲而無爲也庸詎知塞者非實  
有而闢者非實無乎語類知道者先是庚子歲王  
道寬始拓宮之故基而新之武道彬蕭道固等繼  
其遺規鳩工掄材百役具舉而洞卒成於道元也  
雖廢興有數亦由其人敦朴勤瘁道協誠孚故信  
士樂附彼特以孤亢矯俗爲無爲者焉足以臻此  
有司常疏其行業及菑沴禱禳之應第其名以聞  
由是誕降溫綸煥乎龍光下燭滄海而紫府洞邃  
可增崑崙之勝道元又嘗爲石址高逾丈縱廣二

百尺有奇其上爲長闌爲三門皆輦鉅石加礮琢  
若白石像則處士王兼道等樂善競勸用克底於  
成雲峯岳道崇請備書以示來者俾勿忘於是乎  
書 至大三年七月望日記

大元國皇慶元年十月下元日口宮口門 立石  
功德主大督路通州北馬頭居住淵靜散人女冠  
王慧清功德主口口宣援靜逸葆真大師女冠提  
點路 守正功德主裕宗妃子 闊闊倫妹

張氏

東華宮碑

上天眷命皇帝聖旨道德正宗屢傳於賢裔儒賢  
宿學閒出於熙辰況教典長春冠冕登瀛之列而  
躬膺睿眷網維甯極之規宜進秩以宗承示翰誠  
於景嚮真常上德宣教真人李志常清文映世高  
行絕人摛述作之華於禮讓之表廓神明之應於  
視聽之餘璞不雕鏤行不崖異幹以涓粹舍以虛  
無繩繩兮其可名哉皜皜乎不可尙已號其顯異  
制則特頒以爲全真奕葉之光以慰賢師累章之

請於戲利盛揚於寶笈千劫而繼太晨君寶粲結  
於春華再傳而得誠明子可加贈真常妙應顯文  
弘濟大真人主者施行 至大三年二月 日

又

上天眷命皇帝聖旨無爲之宗是謂之道至公之  
器莫重於名蓋景範清彝爲人所慕而華軒黻冕  
匪樂之全跡已著於生平禮盍申於眷渥通玄弘  
教披雲真人宋德方立機蚤悟秘學窮探澡雪其  
心不以纖私自浼蒙鴻其化不以小善自矜德全

而才不形量廊

宜作廊

而物無礙侶仙君而馭真伯

咸稱席上之珍乘飄忽而歷崑崙動應環中之數  
勉從所請庸會其元於戲歲計而功有餘疇繼庚  
桑之偉躅神凝而物不癘尙微姑射之豐年可加  
贈玄都至道崇文明化真人主者施行 至大三  
年二月 日

又

東萊石匠提領孫世昌顧堅楊  
德新姜德林孫德用李德實利

上天眷命皇帝聖旨昔賢有言盡忠於君致孝於  
親歸誠於天孚惠於下有才以濟其用有學以裕

於人秩可列於仙階道可宏於當世清和妙道廣  
化真人尹志平襟神洞廓丰格高嚴褐衣爲山澤  
癯非謂之瘁袞服爲廟堂相非謂之通泛然物應  
以無方捷若循機而有承入長春之室教仍主於  
長春全靈極之真象宛符於靈極示真規於四遠  
膺禮眷於三朝粵有嗣師載恢玄躅其頒異數以  
進嘉稱於戲弱水蓬萊歸渡不煩於舟楫吉雲焱  
景方羊或駐於旌麾可加贈清和妙用廣化崇教  
大真人主者施行 至大三年二月 日

大元國皇慶元年歲次壬子 月 日諸路道教  
都提點樓玄致道通真真人陳德定立石  
都功德主資德大夫遙授左丞行山東東西道宣  
慰使王佐夫人劉氏娘子完姐舍人玉音 夫人  
吳氏女妙童

又

上天眷命皇帝聖旨佑於一德天惟顯思作者七  
人道口行也如辰樞之運元造如璣衡之契靈儀  
誰之子象帝先盡老氏關尹之妙無不爲將自化

行東萊西陝之間或遁跡於塵區或棲身於環堵  
 迨際皇元之興運親承聖口之眷知嘉猷敷陳允  
 矣濟時之具立機冲寂超乎與天為徒莫窮師友  
 之淵源咸詣霄晨之闔域闡乃宗規之舊繫予藩  
 邸之賓弓才偉學以相承景貺靈禎之荐格其加  
 顯級以賁真風除主教邱長春別示旌崇餘仰主  
 者一例施行丹陽抱一無為真人馬鈺可加贈丹  
 陽抱一無為普化真君 廣寧通玄太古真人郝  
 大通可加贈廣寧通玄妙極太古真君 長真雲

水蘊德真人譚處端可加贈長真凝神玄靜蘊德  
 真君 長生輔化明德真人劉處玄可加贈長生  
 輔化宗玄明德真君 玉陽體玄廣度真人王處  
 一可加贈玉陽體玄廣慈普度真君 清靜淵貞  
 順德真人孫不二可加贈清靜淵貞玄虛順化元  
 君 右付玄門演道大宗師掌教凝和持正明素  
 真人苗道一收執准此

至大三年二月 日

丹陽真人歸葬記

東萊石匠提領孫世昌刊

增修登州府志卷之三  
翰林學士承旨資善大夫知制誥兼修國史張仲壽撰并書題額

全真教之丹陽馬君猶聖門之顏曾

重陽君不以子視而以弟稱之師生於寧海當宋宣和癸卯五月二十日也初名從義字宜甫本關中扶風人五季兵亂遷海上焉金大定七年丁亥秋重陽王君挾策東游抵寧海范明叔私第宜老亭因會宜甫宜甫問道重陽曰五行未到處父母未生前之之契分相投邀重陽居

其家明年二月宜甫棄俗入道訓名鈺字元寶號丹陽子是年四十有六侍師入崑崙山開煙霞洞居之重陽大闡元風隨方立會化度羣有如文登之七寶寧海之金蓮登州之三光蓬萊之玉華掖縣之平等師皆陪杖屨焉閱三年重陽偕羣弟子寓沐之王氏邸中時大定庚寅正月初四日也召二三弟子立榻下謂之曰丹陽已得道長真已知道吾無慮矣吾今赴師真之約耳口授遺頌而逝師盡禮治殯權瘞於旅入關謁

和李二君次年師會 譚 劉 邱三真抵劉

蔣祖菴修治葬所明年遷 祖柩歸葬焉四 真

廬墓之餘分適各方惟師留劉蔣屈圍堵者四年

後乃西游自時厥後處園之日居多 大定壬寅

師年六十東還寧海將爲歸宿之計行化文登當

隆冬之時海市見於南海明年癸卯十二月二十

有二日羽化於萊陽之遊仙宮 長生劉公 玉

陽王公主葬焉後爲馬氏諸孫取瘞祖壠未幾宮

主李知常親聚 仙蛻復歸游仙竟藏淺土而葬

衣冠焉人無知者 大德丙午閏正月提點宮事王

志筌來謁 長春主席 天陽真人常公備陳其

事曰志筌老矣一旦溘先朝露使 師真遺櫬湮

沒其罪彌大真人聞而驚曰信如是非口子之過

責在我矣亟致香幣冠簪條服巾履躬撰祭文以

遣之仍爲移文本路徧諭東堂諸老咸使贊成後

□□疏化諸信士共輸資力治葬於宮之西院乾

位期以明年十月十有八日安厝乃殿於其上像

於殿中比事集之日啓封示 仙骨三髻在頂宛

然如生蓋重陽君名嘉師疇昔分髮三髻戴師  
恩以寓意焉至是尤驗其的也東華宮山主李道  
元斲石爲棺以殯之會葬之日喬雲現空瑞鶴翔  
墓官僚士庶咸瞻禮之共嘆靈異若此孰不稽首  
加敬焉至大辛亥提點成志希王志筌山主李道  
元遣一介請記於予曰丹陽師真吾教之二祖  
也前次治葬子與有力焉可不書乎因次敘其始  
末以記之蓋聞道家者流以惜精固氣存神養性  
爲大節真所謂日用常行慈悲方便苦己利人外  
積陰功內調水火晝夜無閒法天行健就此幻化  
之軀照見本來之我遣情化欲證聖成真能事畢  
矣不務究此而區區求其跡固亦淺也且自金大  
定癸卯至皇朝大德丁未相距百二十有五年  
中間不知其幾遷矣至乃藏於淺土不使人知今  
也大會四衆以葬之復文而勒諸堅珉以記之永  
爲萬世之藏是亦有數焉故爲之記皇慶改元正  
月旣望記

大元國皇慶二年歲在癸丑正月十五日元門

演道大宗師大明演教天陽真人常志清立石  
功德主昭文館大學士金紫光祿大夫遙授中  
書左丞相大司徒大司農領太醫院事尙服院  
使李邦甯

加封聖賢碑

上天眷命皇帝聖旨蓋聞先孔子而聖者非孔子  
無以明後孔子而聖者非孔子無以法所謂祖述  
堯舜憲章文武儀範百王師表萬世者也朕恭承  
丕緒敬仰休風循治古之良規舉追封之盛典加

號大成至聖文宣王遣使闕里祀以太牢於戲父  
子之親君臣之義永爲聖教之尊天地之大日月  
之明奚罄名言之妙尙資神化佐我皇上主者施  
行

大德十一年月日

儒學正曹嵩譔 儒學直宋履道監造 石匠口

五刊奉議大夫般陽府路登州知州兼管本州諸

軍奧魯勸農 李 題額 承直郎前常德路

總管府推官孫興祖慎修書丹

皇元建國以來列聖相傳務尊儒道大德丁未武宗皇帝踐祚之初加

夫子號爲大成至聖文

宣王今聖天子嗣大歷服大興文治是以言者以宋儒周濂溪程明道伊川張橫渠司馬溫公邵康節朱晦庵張南軒呂東萊暨我朝許文正公宜居從祀又言有重於此者以兗國公顏子郕國公會子沂國公子思鄒國公孟子當從朱熹釋奠於竹林精舍講正之禮配食孔堂陞子張補十哲之數庶使道統之傳千載之下晦而復明上可其言俾

天下爲通例焉延祐五年夏五月古黃士藥鵬高益來登謁余言黃縣登之屬邑也縣學設立舊矣庶兒修葺碑誌具載此不復論惟刻大成加號詔于石塑四亞聖配享於殿躋十名儒從祀於廡此寔昭代之盛典也屈力單慮祇順德意臣子之職今監縣立忍居副監縣岐住主簿劉瓊 邑之士合議以讓縣尹曹仲珪專董其役今畢事敢請記勒於聖詔之下以文太平崇儒重道之功余方忝正登學義不容辭因告之曰聖人猶天也天道四

時行百物生無非至教聖人之動無非至德孔子當周之衰講道洙泗傳往聖之心法仕止久速獨得聖之時者也非若伊尹夷惠之聖各極其一偏所謂集大成也者吾孟子豈欺我哉自孟子之後歷漢唐以迄於宋崇奉斯文不爲不重惟聖朝以謂至聖王佐之稱未足以尊夫子特加上大成二字追封之典未有盛於今日況又以顏曾思孟爲傳道之宗配食夫子濂洛魯齊諸儒接孟子不傳之緒列於七十子之下以言者故使海內通祀其

於右文之化實有所補且夫黃之爲邑雖僻海隅民俗淳美自今伊始將見肄業之彥裒然朋來必有夙儒碩生示以向學規模俾循序以造夫聖人之天庶不負朝廷褒崇聖教之意若夫摘章繪句以爲徼利達之計者吾無取焉學者其勉之哉

大元延祐己未歲己巳月 日典史張文翼儒學

教諭張楫敦武校尉前高苑縣主簿遇瑞耆老楊

智等立石般陽府路黃縣尉董實 進義校尉般

陽府路黃縣主簿劉瓊 般陽府路黃縣副達魯

花赤咬住承事郎般陽府路黃縣尹兼管本縣諸軍奧魯勸農事曹仲珪敦武校尉般陽府路黃縣達魯花赤兼管本縣諸軍奧魯勸農事立忍居

元奉議大夫慕信碑

遂營目前之小物而遺千古忠孝之名日月口乎上口口口於下忽然與萬遷化靡不痛乎故爲臣子者當宿夜警惕規乎法口則忠孝昭然而無渝理之患經曰立身揚名以顯父母此之謂也奉議大夫知州慕公於斯篤守盡之矣公諱信字成之

本姓慕容氏厥後因以慕爲姓公之先祖諱宗益

字舜臣口口口北人因厥祖避五季之亂過膠東

卽墨居於登之汝山次遷棲霞縣之方山樂其山水明秀遂卜築而爲縣人焉迄今不知其幾昭穆矣祖塋近於宅之左宋熙甯九年以經科口口初任將仕郎壽州左司理叅軍歷宣和累遷至朝散大夫知無爲軍事現有碑記存焉公之祖父堅祖妣劉氏二子長政以文法自束自州吏而任蓮幕之職妻柳氏四子長曰曾次曰仁三曰顏習律科

爲吏四曰義二女長適戰四次適葛口次山卽公之父也以善行著鄉里韜晦不仕母蕭氏性淑慈善治內三子公爲之長次曰旺三曰智三女長適孫興次適單翬三適劉文公幼業儒稟性聰慧才識過人長習吏有明辨捷敏兼人之才識者以爲有公輔之器于是見用公門自縣吏而陞州府以清白見稱老於刀筆者皆爲斂手公之德不掩善不貸非不隱過不苛細爲當途所知薦用於受仙阿木干大王位下總管府提控案牘由案牘而

陞知事由知事而陞經歷事無巨細裁決如流至元戊寅補充江西榮慶行中書省掾會征交趾以軍馬調度爲急成造皮甲供給事需監修船隻應期而辦凡所出納悉委任之值叛賊李梓發謀爲不軌公隨賈叅軍披堅執銳不避矢石親獲叛賊誅戮盡絕由是相府喜公之能愛而口之祇受敕牒口口務卽南康縣尹山廣人稀人物獷悍號爲難治公下車撫治嚴行處斷以公士民權悅吏卒畏威次任廬陵縣尹旣署事究心乃職杜絕干

謁勸學□□釋明寃獄□□詔簡戶□□□□和  
不數月商賈踵於途農民歌於野夏月旱甚立壇  
祈禱雨澤應期禾稼因之得甦米麥因之減價是  
歲因之有秋適遇饑饉人民缺食躬赴□□□求  
賑貸民賴以生考績優陞欽受 宣命奉訓大

夫甯都州知州公乃徧歷都邑勸耕稼均賦役督  
口窳糾姦慝興學校厚人儒三載之間孜孜焉殆  
若一日秩滿榮膺金紫欽受 宣命奉議大夫

會昌州知州在任五載而無代急流勇退告老歸

家幅巾藜杖優游鄉里樂道安閑宴如也噫公之  
在縣邑不失爲賢令在郡國不失爲賢守如水之  
於器遇方則方遇圓則圓激而可使過潁注而可  
使入海無適而不當無往而不宜夫公幼而在家  
以孝弟稱長而從政以孝介著可謂忠孝矣正喜  
霜柯之難老俄驚風樹之先摧里人爲之輟春行  
路爲之垂泣歿於延祐三年四月望日享年六旬  
而有五夫人楊氏同邑人有婦德笄年醮於公以  
勤儉起家以義方教子賢矣哉子男六人冢嗣縣

尉君溥通曉儒吏識會蒙古字譯語充帥府譯史  
口陞逆從之官承父之敘祇受 敕牒雲都縣尉  
次曰汝南安路譯史三曰溥性穎悟善書算和親  
族口良友鄉人稱之四曰澄亦以聰敏過人不爲  
人之撓屈五曰清六曰潤其芝蘭森列庭階非積  
善之門孰能若是乎一日冢嗣君命其弟溥踵門  
謂予曰吾祖考未安佳域憂心孔疚卜於至治元  
年十一月朔日窀穸於先塋奉安壤廈牲牢饗餼  
石獸之儀舉遵禮制刻碑勒銘先人之行蹟使不

爲湮滅以永孝思請以爲誌且以事之始末其請  
益堅予謂文辭渙浥不足以傳永久辭不克獲謹  
摭宗源而爲記仍系之以銘曰

於戲祖宗 旧北坵阡 以慕著姓 清芬遠

傳 五季之亂 遷此居焉 山明水秀 鍾

孕公賢 讀書讀律 儒吏俱全 巍科早擢

青雲路先 口口他邑 教化明宣 出守藩

郡 王道平平 居官立紀 勳譽昭然 公

之積德 子孫綿綿 奉安壤廈 松梓輝鮮

口既妥矣 口口以虔 哀痛罔極 泣涕漣

漣 勒銘刻石 孝思萬年

大元至治元年十一月庚午日冢嗣縣尉慕溥滄

澄孫男玉秀立石

黃邑慕容正所立碣文

夫聞慕氏祖居栖霞方山派墜於黃縣今祭主慕

容正等思想先人猶在淺土失亡族譜難考其詳

口謂眾姪由請口陰陽卜於至治元年孟冬有一

瘞葬先人外從風水內合養辛上下協和眾曰忻

然居門壺賢輩託先人之廕延蔓子孫誥言容正

等用作工取砢山之石鑄磨墨染故摭其實而記

焉

大元至治元年孟冬上旬一日祭主慕容正眾姪

等等立

寓真資化順道真人唐四仙姑祠堂碑 匠鍾貴王  
士高並刊

從仕郎翰林國史院編修官鞠孝恭撰

承事郎寧海州判官蔣本敬書

登仕郎中書省斷事官知事畢居敬篆額

仙姑寧海牟平人唐氏第四女其家好善尤崇玄化姑自年幼不苟葷血及長性孤潔樂淡泊常有出塵之想父母欲嫁誓而弗許一旦道妝拜辭二親徑詣崑崙山危崑之下結庵而獨居焉其山險峭幽邃樹木蒼蔚猛獸縱橫人跡罕到姑處之恬然殊無動慮久而人見其心志堅確修鍊精專深造元元之妙大加敬奉遂以仙姑稱之初長春真人年方弱冠甫入道門問姑之名特來師問修行之要姑曰汝毋吾問異人從西不久而至乃汝師

也且道其狀貌重陽祖師果自關西而來化度七真達於寧海開烟霞洞創神清宮姑居之處遂爲全真張本之所噫若非宿仙緣妙通神異焉能逆知如是乎姑之羽化雖在重陽未至之前其靈樞實長春諸真輩安措於崑穴之中爲經歲久門壘頽敗泰定四年冬山東宣尉同知泰不花公按治到州公愛民重道忠厚人也拈香於東華宮因見石刻聖朝寧海王贈姑真人令旨深加歎美本宮提點耿道清話及仙姑歸真至今一百六十餘年

未曾遷葬公卽迴轡煙霞叩墳瞻禮顧謂本州監郡拜也及州判官蔣本敬曰仙姑道行如此其於葬事可不爲助理乎二侯欣然領畧首出已俸暨諸司屬施鈔三十定付道清同神清宮提舉林道潤共辦其事於是命工伐石修砌遷廢旣畢在上復立堅珉以紀孤德道清等持姑行狀踵門來謁懇文於予辭不獲已因論次之自黃帝問道於廣成而神仙之說始興迨乎殷周太上以道德五千言垂教於後漢唐而下得道之士代有顯人獨蒙

皇元褒贈見重於世者五祖七真而已至於清淨真人孫不二暨姑是乃女流誠爲罕有二人生於同代姑又先輩亦加徵號至今令人景仰仙風固宜表顯其墓用垂不朽云銘曰

成道之因 在乎修行 歷代師真 舉皆男衆

由來女輩 實罕其人 惟孫不二 暨姑之身

姑自幼年 葷羶不茹 誓不嫁人 真風是慕

鹿衣糲食 苦志勞躬 結菴獨處 崑崙山中

修鍊精深 玄機洞透 長春聞名 嘗來問候

增修登州府志卷之三

姑云爾師 自西而來 重陽遂至 其言果諧

功行既圓 脩然羽化 人道於今 稱其道價

昨膺□□ □□□□ 王命□□ 贈以真人

今遷仙□ 葬以堅墳 立石刻銘 表姑盛德

對此郡峯 同垂無極

泰定五年三月吉日東華宮提點耿道清神清宮

提舉林道潤

右元人唐仙姑墓表銘鞠孝恭撰蔣本敬書畢

居敬篆額泰定五年刻石事具表中言姑羽化

在重陽未至前又言泰定四年冬姑歸真一百

六十餘年云是年丁卯上距金大定二十九

年己酉為一百六十年則羽化必在大定之季

而萊陽有張仲壽所撰馬丹陽歸葬碑言大定

七年丁亥重陽來寧海庚寅正月初四日逝云

云是王羽化在唐前且二十年唐之化不得在

重陽未至前也表又言石刻聖朝寧海王令旨

云據元史世祖本紀至元九年諸王闊闊出

請以分地寧海登萊三州自為一路云是州

增修登州府志卷之三金石上

地爲諸王私屬故得有王令旨寧海王宜卽闕  
闕出矣此刻文及書皆不工而篆法尤異表第  
一行題寓真資化順道真人唐四仙姑祠堂十  
有四字額亦宜如之而祇作十字爲團轉強飾  
鴈鶩弄鬚翎亦不知其於十四字所同異損  
益爲何字也豈當日蒙古有是篆法乎錄之以  
資多見

劉忠碑

竊以寧海州牟平縣十九都劉家夙祖居劉公諱

忠字孝卿幼讀儒書長習吏事大德元年有本州  
達魯花口不老赤口次劉忠其口口文牟二縣請  
俸司吏一百餘日口充本州下地倉官三界掌管  
印信收受錢糧三萬餘布並無失口次充本州請  
俸司吏三十餘月陞充益都路吏退役侍親父母  
口年九旬歸世劉忠口年七旬有口同昆仲口宗  
祖口念其德父母育養其身口叔弟姪仕者十有  
餘人口風霜土昧四年之久孰無虧於心乎口口  
口口口口則必口卜宅兆而安措之及時思之春

秋祭祀口恐子孫口口口口口口請口口為記至正

四年八月初四日大口口劉

丹陽真人馬公歸真錄九大字在碑額

口口 碑之記

夫金玉 曰

丹陽真人悟道昇仙之兆有登真碑一通側於金

玉堂之左茲者幸 縣

金玉君

曰此碑為何有道錄王公對曰自亡金之

時大定年間有邑宰張公為 文廟

子

存於斯焉故將此碑側之也二公

歎羨而言曰偉哉聞師父之名

可因

丙丁之位吾未之聞也今文廟

見新構於巽方欽奉

儒崇釋重道善莫大焉且

真人登真之記乃昔張子羽之所撰也

詳祖述 之西

姓名剝落尤甚莫

能辨認故不得重述矣今也敢

于後永

錄王公至請作記

烏敢固辭是以憑其實跡著之碑不亦宜乎

年

主進義副尉萊

陽縣達魯花赤兼管諸軍奧魯兼勸農事乃

從仕萊陽府尹 君

萊陽縣

中書吏

部廷典史宋寔

司吏于裕 鄒裕

正仁

成

茂

州管

萊登州千戶所達魯花赤兼管本所諸軍奧魯愛

仙 正千戶

典史車良

司吏黃昶

孫昭

蔣任

辛文

本縣稅務提領權縣事趙克忠大使

張祐

本縣鹽局官張瑞林梓子

提司王

本

前益都路管軍萬戶府經歷馬鐘前

本縣縣尉李慶元

前隆

利國場管勾于玠 前行村場管勾

徐慶 前本縣勸農官史仁

前萊州行用庫副史于佐 前漕

運司書吏宋 閆老官人楊老官 監修文廟

頭目宋祐 前本縣稅務官 前本縣稅

使 前萊登州鈇冶提舉戰玉 鈇冶大使

宋成 萊登州管 提領戰 前本縣鹽局官鹿

忠 前萊登州管領正宮位下提領 玉

前本縣司吏

浩 馬 于 至正

明大成殿鼎銘 福山知縣段堅造 段字可久景 泰甲戌進士 天順七八年間任

嗚呼鬼神不馨其物惟馨其德人之事神馨其物

在馨其心使其穢德彰聞雖沈積如山豈鬼神之

所馨哉嗚呼焚之於鼎察之於心必如是其可也

欽哉

明萊陽縣重修城隍廟鐘銘 今在城西北十里 棗行村關廟側

萊陽縣知縣吳品 據志作吳昂 一行三字 二行三字 三行皆二字

縣丞劉通 馬騰 二行各二字 主簿劉鑑 二行各二字

典史宋宣二行各老人口口趙四口七字共

匠人劉口劉口劉和劉宗仁劉口只十四字

弘治元年二月初六日九字共重修本縣城隍廟

七字共中一口供養五字共

漢永康石刻

東牟誌長鎮始齊國建立無染院是 齊魯二王

聖捨山場地土邊界 東至崇石口六度院 西

至寨門口金口院 南至龍門口 北至大悲頂

俱是 皇恩設立永無稅糧供奉香火昔漢朝永

康三年朔修

按此刻字形文法皆非漢人所為漢惟桓帝有

永康而止於一年此刻三年其非東京審矣其

齊字皆擡寫且言齊魯二王聖捨又言皇恩疑

是劉豫時物然漢與永康皆非豫所有不能明

也姑附於末

增修登州府志卷之六十六

金石 存目

蓬萊縣

重修府學碑記 明一天順八年許彬撰一萬曆十五年陸埜撰一崇禎十二年陳夢

琬撰 國朝一順治五年一順治十五年俱沙澄撰一康熙四十年楊廷望撰一雍正十年于斐撰

一乾隆二十四年陳琰撰一道光十年英文撰一咸豐五年汪承鏞撰 府學尊經閣

碑記 一明萬曆四十年新建黃體仁撰一 重修縣 國朝道光二年重修談素敦撰

學文廟碑記 明一嘉靖十三年楊維聰撰一萬曆十八年陳其學撰一天啓三年口口

口撰 國朝一康熙十一年劉復昆撰一雍正六年口口撰一乾隆二十二年葛仕周撰一嘉慶

十二年李長森撰 新建縣學尊經閣碑記 明萬曆四十年黃體仁撰

學新置學田碑記 明萬曆十三年浦之浩撰 縣學新置學田碑

記 明萬曆三十三年錢大復撰 文昌頂碑記 明王文昌廟碑記

國朝一魏士俊撰 一道奎星樓碑記 國朝一南城

光二十三年張輔撰 文昌祠內關帝廟碑記 明一閣士選撰 一崇

郭紹曾撰 城隍廟碑記 明一宏治十三年陳亮撰 一嘉靖二

馬重修開元禪寺碑記 國朝順治十年沙澄撰 重修觀音堂

碑記 國朝康熙七年沙澄撰 后土宮碑記 一明正德十年一

重修祐德觀碑記 一明天順三年于洞真立石 國朝乾隆四十五年楊大受撰

重修天后宮碑記 國朝道光十年英文撰 新建地藏庵碑記

在城東潮水集 萊陽宋琬撰 廣德王廟碑銘 賈黃三賢祠記 明

崇禎十一年陳鍾成撰 一 重修天妃海廟碑記 國朝

國朝乾隆三年陳法撰 康熙二十五年呂祖像碑 明萬曆二十四年李少保公

世澤祠堂碑記 國朝康熙五年成永健撰 徐永康侯碑記 明

化年 諭祭葬沙應鶴碑記 康熙十年 諭祭

滕國祥碑記 康熙五十年遷建察院碑記 明一嘉靖二

撰一崇禎十年陳鍾成撰 建文廠記 國朝順治十八年重修試院

碑記 國朝道光十年道東書院碑記 明嘉靖三十年王言撰

瀛書院記國朝康熙五十七年郡人立增修瀛洲書院碑記國朝

一道光四年惠吉撰修蓬萊閣碑記一宋嘉祐六年朱處約撰

一光緒五年賈瑚撰光元年八邑士民為劉總戎修蓬萊閣立東牟觀

兵夜宴蓬萊閣碑記明萬曆三十二年黃克績撰登蓬萊閣詩一

萬曆四十一年李本律撰啓光撰一國朝乾隆二十八年崔應階撰鏡石

亭記明萬曆三十八年閻士選撰閱海操碑記一明萬曆四十八年畢懋康撰

一國朝乾隆二十八年姚廷槐撰隆中徐績撰海天一色碑國朝雍正八年蘇公祠海

市詩刻石 坤爻石碑記國朝道光七年張轄撰三台石記

國朝院元撰董文敏公詩刻石 避風亭詩刻石陳其學

沒石飲羽碑國朝康熙四十二年御筆賜總兵官劉官統新定條鞭碑

記謝繼科撰鹽事碑記國朝康熙三十二年合邑立判鹽案碑記國朝

道光四年合邑立川上井銘國朝康熙十年沙澄撰申明定例不許

文武生監充當雜役碑國朝乾隆四十九年知縣朱□□立禁分街

霸扛告示碑記馬振玉撰禁開煤窰告示碑記魏士俊撰禁

開鉛礦告示碑記魏士俊撰禁東嶽廟前開石坑告示

碑記陸獻撰禁止密神山下開挖土粉碑記王文邑

侯馬公均徭碑記徐逢聘撰潮水社義學碑記江繼貞

女李氏賢孝節烈碑記國朝道光年潮水社立

黃縣

張侯創建石城碑記 明萬曆二十二年王道明撰 重修黃縣城

碑記 國朝一乾隆十三年袁中立撰 姚尉修衙

宇碑記 國朝康熙十年李蕃撰 重修東廳壁碑記 國朝康熙七年蕭文

炳 國朝嘉慶十年周雋撰 重修黃河營寨城

碑記 明宏治五年葉序撰 重修文廟碑記 一元至元九年遲忠撰明一嘉靖二

十三年陳其學撰一萬 增修明倫堂碑記 王三聘撰 重

建聖殿名宦鄉賢祠碑記 國朝康熙二年王名教撰 重建尊經

閣碑記 國朝康熙十年李蕃撰 建關帝啓聖殿碑記 盧承重

修文昌閣碑記 國朝同治十一年周長盛撰 建文昌廟碑記 國朝

康熙十四年李蕃撰 重修關帝廟碑記 趙書龍口重修天后

廟碑記 尹繼美撰 重修泰山行宮碑記 袁中立撰 石泉寺碑

記 國朝雍正七年立 重修延真宮碑記 明嘉靖十四年西莊野逸撰 重

修慧燈寺碑記 明萬曆四十八年撰 重修淳于先生祠堂碑

記 國朝康熙三十年丁蕙撰 陳公遺愛祠碑記 明萬曆間立 朱公祠

碑記 國朝嘉慶年周雋撰 孫公去思碑記 李有實撰 馮公去思碑

記 趙沆撰 界河碑記 國朝道光十三年立 建修界河登瀛橋碑

記 國朝道光七年立 玉皇頂永禁採石碑記 國朝乾隆元年伍焯撰

玉皇頂刻石國朝道光二年馮賡颺記兩瑞堂碑記任宗湯撰憶堂

碑記李蕃撰時雨軒碑記尹繼美撰游石城山碑記袁中立撰

萊山靈驗刻石呂煥記聖水泉勒石明萬曆張彙選書龍山

石壁鐫字 麒麟山勒石姜重霽書楊智墓碑 節孝

碑為劉慎妻潘氏立並劉恪妻刁氏死節事劉自清撰烈女焦氏墓碑記秦浩

然撰至元七載設十路宣撫司碑記 科貢題名碑

記 廣禪侯廟碑記 元山東東西道提刑按察

使陳節齋芝陽觀風詩刻石 桑島刻石 藩司

喻公詩刻石 重修城樓刻石國朝康熙中李蕃記重修東

門樓刻石國朝康熙中李蕃記

福山縣

修城碑記國朝一雍正十一年程大模撰修學廟碑

記一元延祐五年張起巖撰明一成化十五年孫

撰國朝一康熙三十三年陳重修縣學廟門記

遷鶴撰一雍正四年謝乃果撰重修南石隄碑記蕭

郭宗撰文廟學田碑記張起巖撰修南石隄碑記蕭

年撰築修清洋河石堤記陳球撰增築南隄碑記國朝

二十七年鼎建魁星樓碑記國朝順治十七德勝

謝乃實撰廟碑記張起巖撰福聖寺碑記蕭文蔚撰祝聖道院碑

記元統二年張起巖撰陽主廟碑記元貞元年初才撰移建陰主廟

碑記國朝順治六年王騰撰重建奇泉寺碑記國朝順治七年郭諫撰

鳳凰山廟碑記陳汝弼撰磁山庵碑記于樞撰福侯張公

兩異政碑記蕭文蔚撰商邱宋公祠碑記一明萬曆三十三年孫善

吉撰一國朝康熙孫公入鄉賢祠碑記八年陸

鼎八義士碑記蕭榕烈婦碑記一為陳詔妻田氏

立賈氏烈女碑記崇禎十四年憫化詩碑記王重射

圃地碑記何樂善立澡訓堂記郭宗觀德亭記宋國義

圃記王樞撰之梁刻石記蕭程儼撰奇泉寺刻石郭野山

陽寺刻石 石舡詩刻石王積熙撰碁山石塔 石泉

洞碑記

棲霞縣

修城碑記明萬曆六年孟昊撰修城垣碑記國朝同治六年廟

學碑記金李純甫撰明一嘉靖三十八年吳國相

道光六年蔡紹洛撰一乾隆四十八年牟昌裕撰一

同治十年單為總撰一明倫堂碑記牟國尊經閣

碑記元張起巖撰關帝廟碑記一明天啓七年郝晉撰

年方傳植撰重修文昌廟碑記國朝道光二十八年重修火

神廟碑記國朝同治四年管晏撰重修霞山書院碑記國朝

二十八年重修節孝祠碑記國朝道光二十八年方傳植撰

碑記李任撰永禁徭派驟馬價告示碑記國朝同治十三年何

立經撰永革驟行告示碑記國朝同治十三年何立經撰勇畧將

軍牟全墓碑記 李侯功德碑記明宋應亨撰何侯遺

愛碑記牟國珍撰陞任羅侯德政碑記牟國珍撰孫公僑去

思碑記 司李謝公祠碑記 邑令李升吉祠碑

記 林氏墓碑記一為州長官延立一為滄萊路提控

案牘之職翼立一為忠翊校尉同知類揚州事元

立一為鹽課官興立一為峽州路遠安縣務安監

顯立一為泉州孝子碑記一為劉廣生立李唐裔

鄭烈婦碑記一為高灝妻柳氏立李唐裔撰一為

仕妻劉氏烈女碑記為牟鏜女撰溫泉碑記一陸祚蕃

漢邱真人滿庭芳祠碑記 長春真人道行之銘

元王之網撰牟國瓏勒石

招遠縣

修城碑記明萬曆五年閻公朝撰修縣署碑記李驥千撰廟學碑

記一元大德十年李誠撰一明成化十年孫珊捐

學田義塋碑記 元邑令史公德政碑記 元邑

令陳公德政碑記朱暈撰申公祠碑記 裁革朱橋

中火碑天啓三年李驥千撰邑令俞公德政碑記 邑令何

公德政碑記 邑令李公除害安民碑記 教諭

鄭公遺愛碑記 教諭楊公去思碑記 東嶽天

仙玉女碧霞元君行宮碑記李驥千撰雙節碑記楊師德撰

烈婦碑記為王時中妻李氏立青顯鋪橋碑記國朝嘉慶年立孀婦

橋碑記為孀婦孫氏捐貲創建立御製邵鶴齡墓道碑記

咸豐三年立 王泰建橋梁諸碑若邑之撈金溝半道亦馬跡埠南溝河南西溝

棲之郎中園方山神水庵萊之張格 莊西北溝諸石橋多有碑記可尋

萊陽縣

新修甄城記明嘉靖元年李鐸撰重修廟學碑記明嘉靖三十五年李

泗撰一萬曆四十四年高出撰武庫碑國朝同治七年張書

國朝康熙四十年張重啓撰重修西橋記萬曆七年

升撰重修縣治碑記正德十一年李廷相撰重修城隍廟碑

孫旬撰修沽河隄碑記萬曆十四年張夢鯉撰新建文昌閣碑記

記嘉靖八年趙文耀撰一重修新建文昌閣碑記

萬曆三十年關壯繆侯廟碑記萬曆三十四年蔡夢齊撰烽火

王用謨撰 山泰山聖母碑記宋琬撰重修丹陽殿宋黼撰重修三

教院記宋兆祥撰重修南關觀音堂記張洪德撰福昌院記

宋應亨撰 白衣觀音堂記 重修三駕院碑黃極撰重修

宣政寺碑劉兆文撰名宦寺碑記 明禮部主事宋果

墓碑 國朝武德將軍領標騎尉譚經綸墓碑

名宦本縣縣丞王禮碑正德五年子緯立王經碑 王綸

碑並禮子王校碑隆慶六年王楠碑正德五年子緯立義官孫鎰

碑成化七年義民羅敬碑宏治七年上刻宋處士張循

碑光緒元年立在城北一里此墓同治十三年

而據志文勒碑於外志未見原拓本而碑劉海蟾

入道歌邱長春書碑 孝子鄧維嵩碑海陽趙趙

氏祖塋新建饗堂記嘉靖三十五年陳憲撰雙烈碑為張嗣誠妾黨

氏劉氏立

寧海州

重修州城碑記同治二年舒孔安撰重修州學碑記明一嘉

六年焦希程撰一萬曆六年匡鐸撰一劉國縉撰

一俞价撰一周道濬撰一國朝乾隆二十四年

常世重建牟平書院碑記道光二十七年題名碑記

嘉靖二十七年賓興記屠繼烈撰東嶽廟碑 金龍祠碑

宮卜三清觀重修碑大定五年王庭丙撰麻姑梳妝閣碑

聖水巖碑貞祐中國何撰金蓮堂重修碑 荆山碑記

定國講院碑元至治三年鞠孝恭撰黃山寺碑 玉虛觀碑

貞祐二年 國僞撰 遇仙宮碑 彌勒寺碑 元染院增修

碑記 宮卜 大峴山敕牒碑 大定三年 黃巖院殿記 紹聖四年

宋瑞符撰 玉虛觀仙筆明勅頒藏經璽詔 遵制免糧

記 俞价撰 劉寵墓碑 登萊海道武公為寧海蠲除

逃荒記 李贊元撰 修龔公祠堂記 趙中棧撰 飛泉居石刻

重修飛泉居記 曲月方撰 孔公德政碑 蔣司鐸仕萃

誌恩碑 韓司訓振綱誌恩碑 留松碑記 乾隆十九

年熊釋祖書 北廳古槐記 章炳蘭撰 高鳳翰題壁雙鈞石刻

雍正五年 宋前潁川長史于公碑文 姜利元撰 元帥太守姜

公墓碑 毛翼撰 常母賀孺人輓碑文 張需訥撰 敬簡堂記

碑刻 福善口精舍鐫石 烟霞山石刻 玉虛

觀仙筆 玉陽洞天石刻 道中詩刻 奉上憲

檄到寧海遙望崑崙一帶諸山 元至元十八年張周卿作 再游

烟霞洞 謝繼科 憶舊游州守張君玉華 謝繼科

文登縣

新建石城碑記 一明萬曆十一年陳其學撰 一重

修縣學碑記 金大定六年郭長倩撰 國朝一順

玉紘撰 一康熙三十四年叢大為撰 一雍正十一年 于廷珩撰 一乾隆四十七年何燧撰 一乾隆五

十九年聶克勤撰一嘉慶二十年閻學海撰重修縣學講堂碑記元延祐四

允撰年孔克增置學田碑記明萬曆四十四年陶朗先撰崇文書院

修脯膏火記重修崇文書院增置學田記重

修威海東堤記國朝陶易撰寶峯寺碑東華宮碑

香巖寺記黃山寺碑文李鴻祖撰李敬去思碑張

宏吉去思碑武光祖頌德碑縣尹王公去思

碑金董居人撰李公去思碑明馬應龍撰孫公生祠記畧明叢

撰大材李公去思碑明林起宗撰劉協鎮去思碑記國朝賽玉

撰鈺優老堂記明藍田撰元登州太守鞠思誠墓碣威

海巡檢楊君墓碑貴州都勻協右營游谷君墓

誌銘陶易撰跋于崑陽太守臨十七帖石刻陳廷慶跋

榮成縣

建縣修城碑記乾隆四年羅克昌撰遷建成山衛學碑記明嘉

靖六年張溱撰縣學碑記一乾隆十二年新修閻本良撰

撰一嘉慶二十一年重修李象溥新建成山書院碑記嘉慶十五年張畚撰成山書院田碑

記李天鵬撰潯山碑重建潮音小蓬寺碑記趙超撰古

蹟頂重修玉皇殿碑張崧撰壽泉碑記山園記碑

明董祚潯山記元王道昌撰趙公去思碑李曰桂撰烈婦彭

氏碑羅克昌撰雙烈銘為廩生鄒肇端妻叢氏妾孫氏立朱應文撰 貞晦真

人碑記 游花斑石記宋繩光撰防堵夷船記李天西

山圖志宋連撰

海陽縣

碧霞元君碑

岨嶠山記

望海院石塔

大元至元十六

年孟冬數字可辨

增修登州府志卷之六十七

金石坊

蓬萊縣

泮宮坊

在府學內

雲衢坊

在府學前

進士坊

為成化壬辰科進士閻琮立今

兩朝恩命坊

為宏治壬辰科進士何亮立今

恩榮坊

為宏治乙丑科

進士陳鼎

恩榮坊

為正德丁丑科進士浦鉉立今

翰林坊

為嘉靖辛

丑科進士

恩榮坊

為嘉靖辛丑科進士浦之浩立

父子進士坊

為宏

治乙丑科

陳鼎嘉靖甲辰科陳其學立今

世第坊

為甲辰科吳昶辛未科吳之美立

臺諫世臣坊

為御史吳昶給事中吳之美立

恩榮坊

為嘉靖丁未科進士吳國

相立 恩榮坊 為嘉靖壬戌科 恩榮坊 為嘉靖乙未科 進士張詡

立即經 繡衣坊 為御史 京兆坊 為府尹 豸史坊 為御

史浦鑑 王堂清要坊 為庶吉士 總督宣大坊 為都 御

立今 繩武坊 為刑部 尚書 豸史坊 為御史 浦之 觀

光坊 為景泰庚午科 父子經魁坊 為甲午科 陳鼎

立今 祖孫濟美坊 為宏治戊午科 何亮嘉 世科坊

為戊子科 吳昶已 解元坊 為萬曆乙卯科 忠烈流

西科 吳之美立 芳坊 為禮部 尚書 陳後裔 進士 府尹 陳鼎 舉人 教

舉人 同知 陳人 第舉人 知縣 陳人 登官 生知 府陳 夢琛 舉人 陳夢梅 進士 大理 寺 寺丞 陳夢琬 立今

勅命坊 為贈 監察御史 恩榮坊 為封 監察御史

滄海騰蛟坊 為嘉靖辛酉科 三世承恩坊 為封 監

王鏊 監察御史 王言 恩光坊 為贈 御史 浦 忠烈坊

特恩 選舉 王汝政 立 恩綸 三錫坊 為勅 封主事 張伯龍

為贈 都督 僉事 恩光坊 為贈 文林郎 張璠 立

沃田 立今 恩光坊 為贈 文林郎 吳河 立

今 至孝坊 為徐應魁 徐 恩光坊 為贈 文林郎 吳河 立

今 父子總督坊 為戚景通 母子節孝坊 為戚景通

貞節坊 為戚安國 貞節坊 一 周儒妻 王氏 立 貞烈

坊 為生員 孫國柱 妻 張氏 立 奉旨歸葬坊 在城東

增修登州府志卷之三坊

寵光三世坊 為贈禮部左侍郎沙夢石封禮部左侍郎沙澄建

諭祭坊 為贈驃騎將軍滕國貞節坊 為故民吳鈺

蓬瀛佳客坊 為雍正甲辰進士按察節孝坊 童盧

鑑妻孫氏庠生盧鐸妻周節孝坊 為生員張榮泉

氏建在城南三里溝東北 節孝坊 妻劉氏建在城

黃縣

東北一里 旌善坊 乾隆六年知縣武

官埠頂 旌善坊 士杰捐建今圯

繼科坊 為舉人鍾秀坊 為舉人進士坊 為正統丙

立登科坊 為成化戊子恩榮坊 為已丑科進士坊

為宏治庚戌進士坊 為宏治癸丑黃甲傳芳坊 為

科王時中立 進士坊 科姜閣立 為宏治辛酉張子立立

德甲戌科張濬嘉靖 豸史坊 為御史王世進士坊

丙午科張子立建 豸史坊 為御史王世進士坊

為宏治庚戌科王時 繡衣坊 為御史王祖孫濟美

中丁丑科王繼光立 大司馬坊 為都御史獨持

坊 為都御史王繼光立 大司馬坊 為都御史獨持

風紀坊 為御史林地垣都諫坊 為王繼龍門聯耀

增修登州府志卷之三坊

聖世文明坊 為正德丁卯 誥封坊 一為封都御史

給事中王 青瑣重裋坊 為封戶科都給 恩綸坊 為

守默立 御史林 四世一品坊 為建極殿大學士 義民坊 為一

祐立 王旭立 一為秦禎 貞烈坊 一為生員王之棟妻吳氏

立一為張翥立 一生員李琮妻王氏 一田國玉妻馬氏一王其佐

妻馮氏一監生范琨妻鄒氏其子范任荷妻曲氏

琳妻姜氏 增建節烈坊 一贈文林郎趙掄輔

氏一增生張紳妻叢氏一張志興妻王氏一議敘入

知州王啓聰側室宋氏張氏劉氏徐氏一議敘入

品張崇田繼室王氏一丁玠妻王氏其子丁元瀾

妻王氏一姜澎妻呂氏一丁襲祖妻王氏一丁效

祖妻旌善坊 乾隆六年知 張氏 沈士龍建

福山縣

凌雲坊 為舉人 恩榮坊 為進士 耆英坊 為致仕布

進士坊 為孫 那霄坊 為舉人 雙鳳坊 為舉人 聯璧

坊 為舉人 都諫坊 為給事中 龍躍雲津坊 為舉人

天香坊 為舉人 飛鵬坊 為舉人 誥贈坊 為贈郎中

秉憲坊 為郎中 郭承恩坊 在縣 椿桂騰芳坊 為布

遇父子祖孫珂珪瓚瑛 科甲坊 在縣 治南萬曆四

孫樂繁立以上今俱廢 科甲坊 十五年為本縣 歷

朝科甲立 知恩榮坊 為成化辛丑 雙進士坊 為宏

增修登州府志卷之三 福樓

宗阜 貞節坊 在古縣為王 貞節坊 在上房村為劉 琅妻姜氏立

旌善坊 乾隆六年知 縣周道濬建

樓霞縣

恩榮坊 為正統王戌 科解延年立 解元坊 為陳珍 立今廢 亞元坊 為舉 人李

謙立 恩榮坊 為宏治丙辰 科孫祿立 特旨存問坊 為府尹 孫祿立 欽

旌苦節坊 為左布政 孫祿立 雲程繼美坊 為成化甲午科 林恂嘉靖壬午

科林翰 誥贈坊 為贈員外 毓秀坊 在縣前萬曆六 年知縣鮑霖立

邦立 廢封贈坊 為誥贈知縣孫瑾 義民坊 為林茂 立今廢 世科

坊 為進士王願舉 人王弼立今廢 卬霄坊 為舉人孫 隆立今廢 鸚薦坊 為舉 人王

振立 貞節坊 為隋好智妻 貞節坊 為隋好信 妻劉氏立 烈節

坊 在縣治東為邑廩生 烈婦坊 為生員鄒著 妻張氏立 烈婦

坊 為生員王化 烈婦坊 為劉心赤 烈婦坊 為貢生 李元含

妻孫 宣妻李氏立 烈婦坊 為郝鴻業 烈婦坊 為生員李宏 立 旌善

氏立 烈婦坊 為妻藥氏立 烈婦坊 為生員侯氏立 旌善

招遠縣

狀元坊 為宋嘉祐狀 元王俊民立 進士坊 為正德甲戌 科溫濡立 恩榮坊

為嘉靖庚戌 科丁希孔立 世科坊 為戊午科閣祺王 鳳翔千仞

坊 為戊子科 恩榮坊 為丁丑科兵備 副使李驥千立 鵬程萬里坊

坊修至州府元

為庚子科 主事坊 為溫 奪錦坊 為甲子科 折桂坊

為庚午科 天衢獨步坊 為庚子科 世榮坊 為甲午 科孫賢

張鳳翔立 貞節坊 為王之賓未婚 節烈總坊 知縣

貢士孫良 搜羅邑中節烈婦女自前明迄今未 旌善坊 在新

經旌表者幾二百人請建立總坊 旌善坊 道光十一

監生楊 旌善坊 乾隆六年知 節孝總坊 年道光十一

萊陽縣

景須立 旌善坊 縣黃日繡建 節孝總坊 年道光十一

婦一百八十八人 姓氏俱載在初稿

甲第開先坊 為金皇統丙寅進 賓賢坊 為永樂戊

立 步雲坊 為永樂戊子 攀蟾坊 為永樂辛卯 雲期

坊 為永樂癸卯 登雲坊 為永樂丁酉 拔萃坊 為永

酉科楊 錦標坊 為永樂庚子 象賢坊 為永樂庚子

芳立 觀光坊 為景泰癸卯科 恩榮坊 為誥贈禮部員外

丑進士 恩榮坊 為天順庚辰 開文流騰坊 為勅封

于懋立 恩榮坊 科宋徽立 恩榮坊 為成化辛丑 科第傳

史宋積天順庚辰進 恩榮坊 為成化辛丑 科第傳

士陝西道宋徽立 恩榮坊 為成化辛丑 科第傳

芳坊 為參議于懋大理 恩榮坊 為成化辛丑 父子

進士坊 為宏治壬戌科李鐸 都憲坊 為都御史 金

榜傳芳坊 為正德甲戌 文魁坊 為庚午科 恩榮坊

為嘉靖己丑 獨秀坊 為壬子科 諫垣總議坊 為壬

科張冕立 獨秀坊 李鏗立 諫垣總議坊 子科

給事中 李鐸立 天府殊恩坊 為贈都御 勅封坊 為勅封工部主事于

景昌 恩榮坊 為嘉靖辛丑 節鎮河湟坊 為都御史 張夢鯉立

講帷九列坊 為大理寺卿 中丞開府坊 為操江都 察院右僉

都御史 風紀坊 為僉事 咸 繡衣直指坊 為萬曆庚 辰進士雲

南道監察御 世德光昭坊 為承德郎 劉麟誥封中 憲大夫劉昊奉政大夫

史左之宜立 劉昇萬歷己丑進士 父子進士坊 為嘉靖丙辰張 夢鯉萬曆乙未

開封知府劉兆文立 為萬曆戊戌 會魁坊 為萬曆丁 未進士戶

張嗣 恩榮少儁坊 為成化甲午 文魁坊 為成化甲 午科趙鉉

誠立 亞魁坊 為孫光祖立 世科坊 為嘉靖戊子 奕世

部主事孫 三秀坊 為正德庚午 科李敷立 世科坊 為嘉靖戊子 奕世

必大立 為隆慶庚午科趙柚萬曆戊子科 兄弟制

巍科坊 趙文焯萬曆丁酉科趙文燿立 為光祿卿 晝繡

科坊 為進士僉事張嗣謨立 內翰坊 為文通立 晝繡

坊 為封大理寺 勅封坊 為封御史 龍章申錫坊 為

奉政大夫 奕世恩光坊 為贈知州嵇盛 誥贈坊 為

咸福立 按察司副 恩綸寵賁坊 為封文林郎贈奉 宸翰榮

使張錕立 政大夫左奎立 留都弼教坊 為南京刑部

襄坊 為封文林郎贈奉 勅贈坊 為勅贈文林 郎李振立

左之 恩榮坊 為嘉靖丙辰進 勅贈坊 為勅贈文林 郎李振立

龍立 少儁坊 為嘉靖己丑 亞魁坊 為乙酉科 文武世科

坊 為嘉靖癸卯科 直指觀風坊 為巡按浙江江西 陝西道監察御史

立 孫旬 世榮九列坊 為誥封中議大夫太僕寺少卿

立 孫延洞 同胞三壽同氣聯芳坊 為封左奎左

史左之宜郎中左之龍舉人左之 寵錫達尊坊 為

有知州左之似知州左之 秉憲中州坊 為河南按

東陽 勅封坊 為贈戶部主 憲憲中州坊 為河南按

立 寵光三賁坊 為誥贈奉直大夫戶部 察使董嗣

湖廣衡州府知府董嗣樸天啓辛酉舉 丹臚流芳

人乙丑進士河南按察使董嗣樸天啓辛酉舉 丹臚流芳

坊 為庚辰進士副使宋徽乙丑 同胞三壽祖孫父

子兄弟叔姪聯芳坊 為八品沈世友馳封文林郎

人沈夢麟貢士沈沈夢鯨給事中沈時 貞節坊 為董

亨崇禎舉人沈時升進士沈迅立 貞節坊 為董

劉氏史鏞妻趙氏生員張信妻孫氏舉人楊 玉筍

芳妻孫氏徐進妻呂氏孫繩遠妻戰氏立 蓬壺坊 在訪真亭前

建 儒林坊 邑人陝西副 福國佑民坊 萬曆二十九

齊 耀武揚威坊 在演武場知 綸褒全節坊 康熙十

廩膳生張善 旌善坊 乾隆六年知 綸褒全節坊 九年為

徵妻任氏立 旌善坊 乾隆六年知 綸褒全節坊 九年為

寧海州

進士坊 為成化甲辰 牙繡坊 為御史 恩榮進士坊

為成化丁未 恩榮坊 為宏治乙丑 進士坊 為萬曆

科王軒立 殿中執法坊 為御史 鄉進士坊 為宏治甲子

鄉進士坊 為乙丑科 皇都得意坊 為嘉靖壬午科 勅

贈坊 為贈徵仕 文武世科坊 為三科武解元常秉

寵馳三朝坊 為贈中憲大夫常 武進士坊 為千戶

宣化坊 在州 崇德坊 在州 貞烈坊 為生員林肇 節

烈坊 為王相妻 節烈坊 為知縣王麒 孝行坊 為通

懷節烈坊 為趙鳳妻唐氏 貞節坊 為應襲千戶王

貞烈坊 為孫价妻 節烈坊 為楊騰高 節烈坊 為初

姜氏 百歲坊 為林若麟 兩朝節義坊 為明殉難諸

節婦賀 旌善坊 乾隆六年知 州周道濬建

文登縣

登雲坊 為永樂甲午 攀桂坊 為永樂丁酉 恩榮坊

為嘉靖甲辰 鄉科坊 為成化癸卯 甲科坊 為宏治

叢蘭 總制坊 為大傅 銀臺坊 為通政 司諫坊 為兵

事叢 捷報坊 為戶部主事 登雲坊 為萬曆丙子

龍躍滄溟坊 為壬午科 文山毓秀坊 在文 東海開

先坊 為萬曆己丑 海鷗初騫坊 在靖海衛 為世承

天寵坊 為勅封承德郎戶部湖廣司主事楊鸞兩

建司郎中萬曆癸酉科楊從儉雲南道監察御史萬曆丙辰

科楊維垣 忠孝坊 為高安縣知縣袁 義民坊 為成  
立今廢 瑤及子袁鳳翔立 化六

年煮粥賑饑畢叔廣 孝行坊 為縣丞劉鑑 貞節坊  
捐穀濟貧楊斌立 孫鵬劉蘭立

為宮諫妻劉氏叢葵妻宮氏邢欽妻江氏邢和妻  
畢氏于爵妻曲氏王璜妻鞠氏趙通妻于氏董尚

義妻隋氏叢九思妻侯氏侯 旌善坊 乾隆六年知  
沐麻妻叢氏于珏妻曲氏立 縣劉元錫建

節孝坊 為監生劉珏 節孝坊 為張世祿 節烈坊 為  
繼妻呂氏建 妻于氏建

生侯臣妻 節烈坊 為知縣黃承 節烈總坊 道光十  
孫氏建 宗妻劉氏建 一年奉

旨建額曰九重褒節百世流芳誓深東海節時  
文山砥風礪俗諡愍題貞瘦竹蒼松飲冰茹蘖

榮成縣

烈婦坊 為邵學孔 貞烈坊 在南門外為李凝 節凜  
妻林氏立 本妻唐氏立今廢

冰霜坊 在崗山後為鄒 旌善坊 乾隆六年知縣 忠  
克復妻叢氏立 羅克昌捐建

孝坊 已詳 清標彤管坊 在城南七十里為 烈女坊  
文登 陳毓璋畢氏立

在城南四十里 節婦坊 在城內為胡存 節婦坊 為  
為閭東有女立 誠妻張氏立

鴻陸妻 宋氏立

海陽縣

貞節坊 為李敏妻 貞節坊 為馬開遠 貞節坊 為王  
王氏立 妻李氏立 加貞

妻劉 貞節坊 為于酉二 貞節坊 為胡勝妻 節烈坊  
氏立 妻李氏立 宋氏立

為胡晏妻 貞節坊 為高芾妻 節烈坊 為胡文燧 貞  
李氏立 薛氏立 妻王氏立

節坊 為由永誠 孝子坊 為胡 節孝坊 為于康泰 節  
妻譚氏立 隆立 妻張氏立

孝坊 為潘理妻 節孝坊 為車炳妻 節孝坊 為車端妻 吳氏

立 節孝坊 為車輝妻 節孝坊 為趙熾妻 節孝坊 為李承輝妻 李

樽彝妻 節孝坊 為趙文翰妻 節烈坊 為李承輝妻 節孝坊 為趙氏立 節孝

坊 為于思敏妻 節孝坊 為邵良弼妻 王氏立 節孝坊 為高

科妻 李節孝坊 為高斯傲妻 節孝坊 為吳因妻 節孝

坊 為趙莖妻 節孝坊 為高元愷妻 節孝坊 為王士端

節孝坊 為由維沂妻 節婦坊 為監生潘桂妻 節婦坊 為

念妻 劉節婦坊 為李孚先旌善坊 乾隆六年知 勸

善坊 乾隆六年知 勸



